

სფფ-ის საშეჯიბრო დეპულება 2022

საქართველოს 2022 წლის ჩემპიონატი

- ეროვნული ლიგა
- ეროვნული ლიგა 2
- ლიგა 3
- ლიგა 4

საქართველოს 2022 წლის თასი და 2023 წლის სუპერთასი

- საქართველოს დავით ყიფიანის სახელობის თასის გათამაშება
- საქართველოს სუპერთასი

ინფრასტრუქტურული დანართი

- მოთხოვნები სტადიონებისადმი

საქართველოს 2022 წლის XXXIV ჩემპიონატი
ეროვნული ლიგა, ეროვნული ლიგა 2, ლიგა 3 და ლიგა 4

1. მიზანი და ამოცანები

- 1.1. საქართველოს 2022 წლის ჩემპიონატი და თასის გათამაშება მიზნად ისახავს, საქართველოში ფეხბურთის შემდგომ განვითარებასა და პოპულარიზაციას;
- 1.2. საქართველოს საფეხბურთო გუნდების და მოთამაშეების ოსტატობის ამაღლებას;
- 1.3. საქართველოს ნაკრები გუნდებისთვის მოთამაშეების მომზადებას;
- 1.4. უეფას და ფიფას ეგიდით გასამართი საერთაშორისო ტურნირების მონაწილე ქართული კლუბების გამოვლენას.

2. შეჯიბრებების ორგანიზატორი

- 2.1. საფეხბურთო კლუბებს შორის შეჯიბრებას ხელმძღვანელობს და ორგანიზებას უწევს საქართველოს ფეხბურთის ფედერაცია (შემდგომში სფფ).
- 2.2. ჩემპიონატში მონაწილეობენ პროფესიონალური და სამოყვარულო საფეხბურთო კლუბები, რომელთაც ქვეყანაში მოქმედი კანონმდებლობის თანახმად, იურიდიული პირის სტატუსი აქვთ, და ექვემდებარებიან სფფ-ის წესდებას, დებულებებს და გადაწყვეტილებებს, იხდიან სფფ-ის მიერ დაწესებულ ყველა სახის გადასახადს.
- 2.3. საქართველოს ჩემპიონატის კალენდარი წარმოადგენს სფფ-ის საკუთრებას. სფფ-ს შეუძლია არსებული კალენდრის გამოყენება სარეკლამო, კომერციული თუ სხვა მიზნით. შეჯიბრებების დრო განისაზღვრება სფფ-ის საშეჯიბრო განყოფილების მიერ დამტკიცებული კალენდრის მიხედვით.
- 2.4. სფფ-ის წესდების 72-ე და 73-ე მუხლების თანახმად სფფ ფლობს მის იურისდიქციაში მყოფი, მის მიერ ორგანიზებულ შეჯიბრებებში მონაწილე კლუბების ტელერადიო და ინტერნეტ-ტრანსლაციებზე ექსკლუზიურ უფლებებს (პირდაპირი ეთერის, ჩანაწერისა თუ ფრაგმენტების სახით).
- 2.5. სტადიონებზე სარეკლამო დაფების განთავსების უფლებას სფფ და კლუბები ინაწილებენ თანაბრად 50/50-ზე. პრიორი-

ტეტი ენიჭებათ სფფ-ის სპონსორებს. იმ შემთხვევაში, თუ რომელიმე მხარე ვერ ავსებს მისთვის განკუთვნილ სარეკლამო ადგილს, მაშინ მეორე მხარეს შეუძლია დაიკავოს თავისუფალი სარეკლამო ადგილი.

- 2.6. სფფ-ის საშეჯიბრო განყოფილება უფლებამოსილია ნებისმიერ დროს, ჩემპიონატის დაწყებამდე ან მსვლელობისას, შეამოწმოს სტადიონების მდგომარეობა და დაუშვას ან აკრძალოს ჩემპიონატისა და თასის გათამაშების მატჩების მათზე გამართვა.

3. ჩემპიონატის ჩატარების სისტემა

- 3.1. საქართველოს 2022 წლის ჩემპიონატი გაიმართება ეროვნულ ლიგაში, ეროვნულ ლიგა 2-ში, ლიგა 3-ში, ლიგა 4-სა და რეგიონულ ლიგაში.
- 3.2 . ეროვნულ ლიგაში მონაწილეობს ათი გუნდი:

1. გაგრა
2. დილა გორი
3. დინამო ბათუმი
4. დინამო თბილისი
5. თელავი
6. ლოკომოტივი თბილისი
7. საბურთალო თბილისი
8. სამგურალი წყალტუბო
9. სიონი ბოლნისი
10. ტორპედო ქუთაისი

- 3.3. ეროვნული ლიგის გათამაშება ჩატარდება ოთხ წრედ (ორ-ორი მატჩი შინ და სტუმრად). კალენდარი შედგება ბერგერის ცხრილის მიხედვით, გუნდები დაინომრებიან სფფ-ის საშეჯიბრო განყოფილების მიერ.
- 3.4. ეროვნულ ლიგაში პირველ ადგილზე გასული გუნდი გახდება საქართველოს ჩემპიონი და მიიღებს მონაწილეობას უეფას ჩემპიონთა ლიგის გათამაშებაში; მეორე ადგილზე გასული გუნდი გახდება ვერცხლის პრიზიორი და მონაწილეობას მიიღებს

უეფას კონფერენციის ლიგის გათამაშებაში, მესამე ადგილზე გასული გუნდი გახდება ბრინჯაოს პრიზიორი და მიიღებს მონაწილეობას უეფას კონფერენციის ლიგის გათამაშებაში. მეოთხე (თუ საქართველოს დავით ყიფიანის სახელობის თასის მფლობელი გახდება ისეთი გუნდი, რომელიც ეროვნული ლიგის საბოლოო სატურნირო ცხრილში მოხვდება საპრიზო სამეულში, უეფას კონფერენციის ლიგის გათამაშებაში მონაწილეობას მიიღებს ჩემპიონატში მეოთხე ადგილზე გასული გუნდი), მეხუთე, მეექვსე და მეშვიდე ადგილებზე გასული გუნდები ავტომატურად შეინარჩუნებენ ეროვნულ ლიგაში ადგილს; მერვე და მეცხრე ადგილებზე გასული გუნდები ორმატჩიან პლეიოფში (IX-II და III-VIII) დაუპირისპირდებიან ეროვნულ ლიგა 2-ში მეორე და მესამე ადგილებზე გასულ გუნდებს. პლეიოფის პირველ მატჩებს უმასპინძლებენ ეროვნული ლიგის მეცხრეადგილოსანი და ეროვნული ლიგა 2-ის მესამეადგილოსანი. ეროვნულ ლიგაში მეათე ადგილზე გასული გუნდი მომავალ სეზონში ითამაშებს ეროვნულ ლიგა 2-ში, ეროვნულ ლიგა 2-ში პირველ ადგილზე გასული გუნდი კი ითამაშებს ეროვნულ ლიგაში.

3.5. ეროვნულ ლიგა 2-ში მონაწილეობს ათი გუნდი:

1. გარეჯი საგარეჯო
2. დინამო ზუგდიდი
3. ვიტ ჯორჯია თბილისი
4. მერანი თბილისი
5. მერანი მარტვილი
6. რუსთავი
7. სამტრედია
8. სპაერი
9. შევარდენი 1906 თბილისი
10. შუქურა

- 3.6. ეროვნული ლიგა 2-ის გათამაშება ჩატარდება ოთხ წრედ (ორ-ორი მატჩი შინ და სტუმრად). კალენდარი შედგება ბერგერის ცხრილის მიხედვით, გუნდები დაინომრებიან სფფ-ის საშეჯიბრო განყოფილების მიერ.
- 3.7. ეროვნულ ლიგა 2-ში პირველ ადგილზე გასული გუნდი მოიპოვებს თამაშის უფლებას ეროვნულ ლიგაში. მეორე-მესამე ადგილებზე გასული გუნდები ორმატჩიან პლეიოფში (IX-II და

III-VIII) დაუპირისპირდებიან ეროვნულ ლიგაში მერვე-მეცხრე ადგილებზე გასულ გუნდებს. პლეიოფის პირველ მატჩებს უმასპინძლებენ ეროვნული ლიგის მეცხრეადგილოსანი და ეროვნული ლიგა 2-ის მესამეადგილოსანი. მეოთხე, მეხუთე და მეექვსე ადგილებზე გასული გუნდები შეინარჩუნებენ ეროვნულ ლიგა 2-ში ადგილს, მეშვიდე და მერვე ადგილებზე გასული გუნდები კი ორმატჩიან პლეიოფში (IV-VII) და (VIII-III) დაუპირისპირდებიან ლიგა 3-ის მესამე და მეოთხე ადგილებზე გასულ გუნდებს. პლეიოფის პირველ მატჩებს უმასპინძლებენ ეროვნული ლიგა 2-ის მერვეადგილოსანი და ლიგა 3-ის მეოთხეადგილოსანი. ეროვნულ ლიგა 2-ში მეცხრე და მეათე ადგილზე გასული გუნდი მომავალი სეზონიდან ითამაშებს ლიგა 3-ში. ლიგა 3-ში პირველ და მეორე ადგილზე გასული გუნდი კი ითამაშებს ეროვნულ ლიგა 2-ში.

3.8. 2022 წლის ლიგა 3-ში მონაწილეობს თექვსმეტი გუნდი:

1. არაგვი დუშეთი
2. ბახმარო ჩოხატაური
3. ბორჯომი
4. ფკ გორი
5. გურია ლანჩხუთი
6. დინამო-2 თბილისი
7. ვარკეთილი თბილისი
8. ზესტაფონი
9. თბილისი სითი
10. ირაო
11. კოლხეთი 1913 ფოთი
12. კოლხეთი ხობი
13. მერანი-2 თბილისი
14. მეშახტე ტყიბული
15. საბურთალო-2 თბილისი
16. ჩიხურა საჩხერე

3.9. ლიგა 3-ის გათამაშება ჩატარდება ორ წრედ (თითო მატჩი შინ და სტუმრად). კალენდარი შედგება ბერგერის ცხრილის მიხედვით, გუნდები დაინომრებიან სფფ-ის საშეჯიბრო განყოფილების მიერ.

3.10. ლიგა 3-ში პირველ და მეორე ადგილზე გასული გუნდი მოიპოვებს თამაშის უფლებას ეროვნულ ლიგა 2-ში. მესამე-მეოთხე ადგილებზე გასული გუნდები ორმატრიან პლეიოფში (IV-VII) და VIII-III) დაუპირისპირდებიან ეროვნულ ლიგა 2-ში მეშვიდე-მერვე ადგილებზე გასულ გუნდებს. პლეიოფის პირველ მატჩებს უმასპინძლებენ ეროვნული ლიგა 2-ის მერვეადგილოსანი და ლიგა 3-ის მეოთხეადგილოსანი. მეხუთე, მეექვსე, მეშვიდე, მერვე, მეცხრე, მეათე, მეთერთმეტე, მეთორმეტე და მეცამეტე ადგილებზე გასული გუნდები შეინარჩუნებენ ლიგა 3-ში ადგილს. მეთოთხმეტე, მეთხუთმეტე და მეთექვსმეტე ადგილებზე გასული გუნდები კი მომავალი სეზონიდან ითამაშებენ ლიგა 4-ში.

3.11. 2022 წლის ლიგა 4-ში გათამაშება ჩატარდება ორ წრედ (თითო მატჩი შინ და სტუმრად). კალენდარი შედგება ბერგერის ცხრილის მიხედვით, გუნდები დაინომრებიან სფფ-ის საშეჯიბრო განყოფილების მიერ.

1. ალგეთი მარნეული

2. ბეთლემი ქედა

3. დიდუბე 2014 თბილისი

4. ვიტ ჯორჯია-2 თბილისი

5. იბერია თბილისი

6. ლოკომოტივი-2 თბილისი

7. მარგვეთი 2008 ზესტაფონი

8. მაღაროელი ჭიათურა

9. მაჭახელა ხელვაჩაური

10. მერანი-2 მარტვილი

11. ოდიში 1919 ზუგდიდი

12. სამგურალი-2 წყალტუბო

13. სამეგრელო ჩხოროწყუ

14. სულორი ვანი

15. სქური ნალენჯისა

16. შტურმი სართიჭალა

3.12 ლიგა 4-ში პირველ , მეორე და მესამე ადგილზე გასული გუნდი მოიპოვებს მომავალ სეზონში ლიგა 3-ში თამაშის უფლებას. მეოთხე, მეხუთე, მეექვსე, მეშვიდე, მერვე, მეცხრე, მეათე, მეთერთმეტე და მეთორმეტე ადგილებზე გასული გუნდები შეინარჩუნებენ ლიგა 4-ში ადგილს, მეცამეტე, მეთოთხმეტე,

მეთხუთმეტე და მეთექვსმეტე ადგილებზე გასული გუნდები კი მომავალი სეზონიდან ითამაშებენ რეგიონულ ლიგაში.

3.14. თუკი 2023 წლის ეროვნული ლიგის დაკომპლექტებისას კლუბს (ან კლუბებს) არ ექნება შესაბამისი ლიცენზია, უარს იტყვის მონაწილეობაზე ან მოხსნილი იქნება გათამაშებიდან რაიმე მიზეზის გამო, მის ადგილს დაიკავებს ის კლუბი (ან კლუბები), რომელსაც ექნება ეროვნული ლიგის შესაბამისი კატეგორიის ლიცენზია, უპირატესობა მიენიჭება იმ კლუბს (ან კლუბებს) რომელსაც ექნება უკეთესი სპორტული შედეგი. სპორტული შედეგის განსაზღვრა მოხდება ვირტუალური ცხრილით:

1-ლი ადგილი: ეროვნულ ლიგაში მე-8 ადგილი (პლეიოფში დამარცხების შემთხვევაში).

მე-2 ადგილი: ეროვნულ ლიგაში მე-9 ადგილი (პლეიოფში დამარცხების შემთხვევაში).

მე-3 ადგილი: ეროვნულ ლიგა 2-ში მე-2 ადგილი (პლეიოფში დამარცხების შემთხვევაში).

მე-4 ადგილი: ეროვნულ ლიგა 2-ში მე-3 ადგილი (პლეიოფში დამარცხების შემთხვევაში).

მე-5 ადგილი: ეროვნულ ლიგაში მე-10 ადგილი.

მე-6 ადგილი: ეროვნულ ლიგა 2-ში მე-4, მე-5 და მე-6 ადგილზე გასული გუნდები შესაბამისი მიმდევრობით.

3.15 თუკი 2023 წლის ეროვნულ ლიგა 2-ში კლუბს (ან კლუბებს) არ ექნება შესაბამისი კატეგორიის ლიცენზია, უარს იტყვის მონაწილეობაზე ან მოხსნილი იქნება გათამაშებიდან რაიმე მიზეზის გამო მის ადგილს დაიკავებს ის კლუბი (ან კლუბები), რომელსაც ექნება ეროვნული ლიგა 2-ის შესაბამისი კატეგორიის ლიცენზია, უპირატესობა მიენიჭება იმ კლუბს ან კლუბებს რომელსაც ექნება უკეთესი სპორტული შედეგი. სპორტული შედეგის განსაზღვრა მოხდება ვირტუალური ცხრილით, რომელიც შედგება შემდეგი პრინციპით:

1-ლი ადგილი: ეროვნულ ლიგა 2-ში მე-7 ადგილი (პლეიოფში დამარცხების შემთხვევაში)

მე-2 ადგილი: ეროვნულ ლიგა 2-ში მე-8 ადგილი (პლეიოფში დამარცხების შემთხვევაში)

მე-3 ადგილი: ლიგა 3-ში მე-3 ადგილი (პლეიოფში დამარცხების შემთხვევაში)

მე-4 ადგილი: ლიგა 3-ში მე-4 ადგილი (პლეიოფში დამარცხების შემთხვევაში)

მე-5 ადგილი: ეროვნულ ლიგა 2-ში მე-9 ადგილი

მე-6 ადგილი: ეროვნულ ლიგა 2-ში მე-10 ადგილი

მე-6 ადგილი: ლიგა 3-ში მე-5, მე-6, მე-7, მე-8, მე-9 ადგილებზე გასული გუნდები შესაბამისი მიმდევრობით.

3.16. თუკი 2022 წლის ლიგა 3-ში კლუბს (ან კლუბებს) არ ექნება შესაბამისი კატეგორიის ლიცენზია, უარს იტყვის მონაწილეობაზე ან მოხსნილი იქნება გათამაშებიდან რაიმე მიზეზის გამო, მის ადგილს დაიკავებს ის კლუბი (ან კლუბები), რომელსაც ექნება ლიგა 3-ის შესაბამისი ლიცენზია. უპირატესობა მიენიჭება იმ კლუბს (ან კლუბებს), რომელსაც ექნება უკეთესი სპორტული შედეგი. სპორტული შედეგის განსაზღვრა მოხდება ვირტუალური ცხრილით, რომელიც შედგება შემდეგი პრინციპით:

1-ლი ადგილი: ლიგა 3-ში მე-13 ადგილი

მე-2 ადგილი: ლიგა 3-ში მე-14 ადგილი

მე-3 ადგილი: ლიგა 3-ში მე-15 ადგილი

მე-4 ადგილი: ლიგა 3-ში მე-16 ადგილი

მე-5 ადგილი: ლიგა 4-ში მე-4 ადგილი

მე-6 ადგილი: ლიგა 4-ში მე-5 ადგილი

მე-7 ადგილი: ლიგა 4-ში მე-6, მე-7 ადგილებზე გასული გუნდები შესაბამისი მიმდევრობით.

3.17. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის კლუბებს შეუძლიათ ჰყავდეთ ერთი ან მეტი ფარმ-გუნდები შემდეგი პრინციპით:

ეროვნული ლიგის წარმომადგენელს - ეროვნულ ლიგა 2-ში, ლიგა 3-ში, ლიგა 4-ში, რეგიონულ ლიგაში, ან რანგით კიდევ უფრო დაბალ ლიგაში; ეროვნული ლიგა 2-ის წარმომადგენელს - ლიგა 3-ში, ლიგა 4-ში, რეგიონულ ლიგაში, ან რანგით კიდევ უფრო დაბალ ლიგაში; ლიგა 3-ის წარმომადგენელს - ლიგა 4-ში, რეგიონულ ლიგაში, ან რანგით კიდევ უფრო დაბალ ლიგაში. ლიგა 4-ის წარმომადგენელს - რეგიონულ ლიგაში, ან რანგით კიდევ უფრო დაბალ ლიგაში. ფარმ-გუნდები უნდა დაკომპლექტდნენ 1999 და მომდევნო წლებში დაბადებული ფეხბურთელებით.

3.18. კლუბს ყოველი სეზონის წინ შეუძლია შექმნას ფარმ-გუნდი,

თუმცა დაუშვებელია ხელშეკრულებით ან რაიმე სხვა საშუალებით ეროვნული ლიგა 2-ის, ლიგა 3-ის, ლიგა 4-ისა და რეგიონული ლიგის არსებული მონაწილის ფარმ-გუნდად დარეგისტრირება. ნებისმიერი კლუბის ახლადშექმნილმა ფარმ-გუნდმა ასპარეზობა შეიძლება დაიწყოს რეგიონულ ლიგაში, ხოლო რანგით უფრო დაბალი ლიგის არსებობის შემთხვევაში ადგილი რეგიონულ ლიგაში უნდა მოიპოვოს სპორტული შედეგის გათვალისწინებით.

ნებისმიერი ლიგიდან ძირითადი გუნდის დაქვეითების შემთხვევაში დაუშვებელია იმავე რანგის ლიგაში ან რანგით ზედა ლიგაში მისი ფარმ-გუნდის მონაწილეობა, მიუხედავად სპორტული შედეგისა.

- 3.19. თუ ეროვნული ლიგის, ეროვნული ლიგა 2-ის და ლიგა 3-ის დასრულებისას ძირითადი გუნდის მოხვედრა უკვე განსაზღვრულია რომელიმე ისეთ ლიგაში, სადაც ფარმ-გუნდს არ აქვს პარალელურად მონაწილეობის უფლება, მიუხედავად იმისა, ფარმ-გუნდის მიერ ცხრილში დაკავებული ადგილი იძლევა თუ არა ამავე ლიგის საგზურს ან დამატებითი მატჩების გამართვის უფლებას (პლეიოფში მონაწილეობა), ფარმ-გუნდს ჩაანაცვლებს ცხრილში მის მომდევნო ადგილზე გასული გუნდი.

იმ შემთხვევაში თუ ძირითად გუნდს უწევს დამატებითი მატჩების გამართვა ლიგაში ადგილის შესანარჩუნებლად, ხოლო ფარმ-გუნდს დაკავებული აქვს ისეთი ადგილი, რომელიც პირდაპირ ან პლეიოფის საშუალებით იძლევა ამავე ლიგის საგზურის მოპოვების საშუალებას, სადაც შეიძლება აღმოჩნდეს ძირითადი გუნდი, მოქმედებს შემდეგი პრინციპი:

ეროვნულ ლიგა 2-ში

ძირითადი გუნდის პლეიოფის მატჩში დაქვეითების შემთხვევაში, თუ იმავე ლიგის საგზური უკვე ფარმ-გუნდს აქვს მოპოვებული (ან მოიპოვებს), ფარმ-გუნდის ადგილს დაიკავებს უკეთესი სპორტული შედეგის მქონე გუნდი. სპორტული შედეგის განსაზღვრა მოხდება შემდეგი პრინციპის მქონე ვირტუალური ცხრილით:

- 1-ლი ადგილი: ეროვნულ ლიგა 2-ში მე-7 ადგილი (პლეიოფში დამარცხების შემთხვევაში)

- მე-2 ადგილი: ეროვნულ ლიგა 2-ში მე-8 ადგილი (პლეიოფში

დამარცხების შემთხვევაში)

მე-3 ადგილი: ლიგა 3-ში მე-3 ადგილი (პლეიოფში დამარცხების შემთხვევაში)

მე-4 ადგილი: ლიგა 3-ში მე-4 ადგილი (პლეიოფში დამარცხების შემთხვევაში)

მე-5 ადგილი: ეროვნულ ლიგა 2-ში მე-9 ადგილი

მე-6 ადგილი: ეროვნულ ლიგა 2-ში მე-10 ადგილი

მე-6 ადგილი: ლიგა 3-ში მე-5, მე-6, მე-7, მე-8, მე-9 ადგილებზე გასული გუნდები შესაბამისი მიმდევრობით.

ლიგა 3-ში

ძირითადი გუნდის პლეიოფის მატჩში დაქვეითების შემთხვევაში, თუ იმავე ლიგის საგზური უკვე ფარმ-გუნდს აქვს მოპოვებული (ან მოიპოვებს), ფარმ-გუნდის ადგილს დაიკავებს უკეთესი სპორტული შედეგის მქონე გუნდი. სპორტული შედეგის განსაზღვრა მოხდება ვირტუალური ცხრილით, რომელიც შედგება შემდეგი პრინციპით:

1-ლი ადგილი: ლიგა 3-ში მე-13 ადგილი

მე-2 ადგილი: ლიგა 3-ში მე-14 ადგილი

მე-3 ადგილი: ლიგა 3-ში მე-15 ადგილი

მე-4 ადგილი: ლიგა 3-ში მე-16 ადგილი

მე-5 ადგილი: ლიგა 4-ში მე-4 ადგილი

მე-6 ადგილი: ლიგა 4-ში მე-5 ადგილი

მე-7 ადგილი: ლიგა 4-ში მე-6, მე-7 ადგილებზე გასული გუნდები შესაბამისი მიმდევრობით.

ლიგა 4-ში

თუ ფარმ-გუნდი რეგიონული ლიგის ცხრილში იკავებს ისეთ ადგილს, რომელიც იძლევა ლიგა 4-ის საგზურს, ძირითადი გუნდის ლიგა 4-ში ყოფნის ან დაქვეითების შემთხვევაში, ფარმ-გუნდის ადგილს დაიკავებს მის ჯგუფში უკეთესი სპორტული შედეგის მქონე გუნდი.

4. ჩემპიონატის ჩატარების პირობები

4.1. ჩემპიონატის კალენდარი დგება სფფ-ის საშეჯიბრო განყოფილების მიერ. ჩემპიონატის კალენდრის განთავსება ხდება სრულად ან არასრულად (ტურის, ტურების ან წრის მიხედვით) ეროვნული ლიგისა და ეროვნული ლიგა 2-ის

ოფიციალურ ვებგვერდზე erovnuliliga.ge ლიგა 3-ისა და ლიგა 4-ის კალენდრის განთავსება ხდება სრულად ან არასრულად (ტურის, ტურების ან წრის მიხედვით) ლიგა 3-ის და ლიგა 4-ის ოფიციალურ ვებგვერდზე liga.gff.ge

4.2. ჩემპიონატში მონაწილე გუნდები ვალდებული არიან, უზრუნველყონ საქართველოს სახელმწიფო ჰიმნის შესრულება ჩემპიონატის გახსნის ცერემონიალისას. ეროვნულ ლიგასა და ეროვნულ ლიგა 2-ში გუნდები მოედანზე უნდა გამოვიდნენ ლიგის ოფიციალური ჰიმნის თანხლებით.

4.3. ჩემპიონატის ყველა ლიგაში (ეროვნული ლიგა, ეროვნული ლიგა 2, ლიგა-3, ლიგა-4) ქულათა დარიცხვა ხდება შემდეგნაირად: მოგება – 3 ქულა, ფრე – 1 ქულა, ნაგება – 0 ქულა. ეროვნულ ლიგაში, ეროვნულ ლიგა 2-ში, ლიგა 3-ში, ლიგა 4-ში საბოლოო ცხრილი დგება - 4.4.1-დან 4.4.11 ქვეპუნქტებში მითითებული მაჩვენებლების გათვალისწინებით. ყველა ლიგის ოფიციალურ ვებგვერდზე მიმდინარე ცხრილის შედგენისას, მაშინ როცა გუნდებს ჯერ არ ამოუნურავთ კალენდრით გათვალისწინებული ურთიერთშეხვედრები, ორი ან ორზე მეტი გუნდის მიერ თანაბარი ქულების დაგროვების შემთხვევაში მათი ადგილი ცხრილში განისაზღვრება 4.4.5.-დან 4.4.11. ქვეპუნქტებში მითითებული პრინციპების მიხედვით. იმ შემთხვევებში კი, როცა გუნდს ან გუნდებს ურთიერთშეხვედრებში ნაჩვენები შედეგის გათანაბრების ან უპირატესობის მოპოვების თეორიული შანსიც აღარ აქვთ, თანაბარი ქულების დაგროვების შემთხვევაში მათი ადგილი ცხრილში განისაზღვრება 4.4.1.-დან 4.4.11. ქვეპუნქტებში მითითებული პრინციპების მიხედვით.

4.4. იმ შემთხვევაში, როცა ეროვნულ, ეროვნულ ლიგა 2-სა, ლიგა 3-სა და ლიგა 4-ში ორი ან მეტი გუნდი დააგროვებს თანაბარ ქულას, მათი საბოლოო პოზიციის გადანაწილება ცხრილში მოხდება შემდეგი კრიტერიუმების გამოყენებით ქვემოთ ჩამოთვლილი თანმიმდევრობით:

4.4.1. განსახილველ გუნდებს შორის ურთიერთშეხვედრებში დაგროვილი ქულები;

4.4.2. განსახილველ გუნდებს შორის ურთიერთშეხვედრებში ბურთების სხვაობა;

4.4.3. განსახილველ გუნდებს შორის ურთიერთშეხვედრებში

გატანილი მეტი გოლი;

4.4.4. განსახილველ გუნდებს შორის ურთიერთშეხვედრებში სტუმრად გატანილი მეტი გოლი.

– თუ 4.4.1.-იდან 4.4.4.-ის კრიტერიუმების გამოყენების შემდეგ, ორ ან მეტ გუნდს კვლავ თანაბარი პოზიცია აქვს, კრიტერიუმები 4.4.1.-იდან 4.4.4.-ის ჩათვლით გამოიყენება უშუალოდ ამ გუნდებთან მიმართებაში, რათა გაირკვეს მათი საბოლოო ადგილები. თუ ამ პროცედურას არ მივყავართ გადაწყვეტილებამდე, განსახილველი გუნდების მიმართ გამოიყენება კრიტერიუმები 4.4.5.-იდან 4.4.11.-ის ჩათვლით.

4.4.5. ჩემპიონატში ბურთების უკეთესი სხვაობა.

4.4.6. ჩემპიონატში გატანილი მეტი გოლი.

4.4.7. ჩემპიონატში სტუმრად გატანილი მეტი გოლი

4.4.8. ჩემპიონატში მოგებების მეტი რაოდენობა.

4.4.9. ჩემპიონატში სტუმრად მოგებების მეტი რაოდენობა.

4.4.10. ჩემპიონატში დაგროვილი ნაკლები სადისციპლინო ქულა (გაძევება - 3 ქულა, ორი გაფრთხილებით გაძევება - 3 ქულა, გაფრთხილება - 1 ქულა; თანაბარი ქულების შემთხვევაში უპირატესობა მიენიჭება გუნდს ნაკლები გაძევებით).

4.4.11. თუ გუნდებს ეს მაჩვენებელიც თანაბარი აღმოაჩნდებათ, ადგილების გამოსავლენად მოენწყობა ნილისყრა.

4.4.12. ორმატჩიანი პლეიოფის შეხვედრების ჯამში თუ გატანილი ბურთების რაოდენობა ერთნაირია (როგორც ძირითად ისე დამატებით დროში არ მოქმედებს სტუმრად გატანილი გოლის წესი), დაინიშნება ორი 15-წუთიანი დამატებითი ტაიმი.

- იმ შემთხვევაში თუ დამატებით დროში არ გავიდა ბურთი, ინიშნება 11-მეტრიანი საჯარიმო დარტყმები (ფიფას წესებით).

- ყველა ლიგის კლუბს საპლეიოფო მატჩის მასპინძლობა შეუძლია იმავე ლიგაში დაშვებულ სტადიონზე, რომელ ლიგასაც თავად წარმოადგენს.

4.5. გუნდის წარმომადგენელი ვალდებულია შეხვედრის დაწყებამდე 60 წუთით ადრე მატჩის ოქმში შეიყვანოს არაუმეტეს 20 მოთამაშე. ყოველ მოთამაშეს ოქმში შეყვანილი ნომრის შესაბამისად უნდა ჰქონდეს ნომრები მაისურზე.

4.6. თამაშის ოქმს პირველად ავსებს მასპინძელთა გუნდის წარ-

მომადგენელი.

- 4.7. თამაშის ოქმს მატჩის დაწყებამდე ხელს აწერენ გუნდების წარმომადგენლები და მთავარი მსაჯი. მატჩის ოქმში შეყვანილი უნდა იყვნენ ძირითადი შემადგენლობის მოთამაშეები (11 მოთამაშე), სათადარიგო შემადგენლობის მოთამაშეები (მაქსიმუმ 9 მოთამაშე) - სავალდებულოა გუნდის კაპიტნის მითითება პირობითი ნიშნით - ©, ოფიციალური პირები (გვარი, სახელი, თანამდებობა): მთავარი მწვრთნელი, მწვრთნელის ასისტენტები, ექიმი, პერსონალი — არაუმეტეს 10 პირი. ზემოთჩამოთვლილ ოფიციალურ პირებს, ისევე როგორც ფეხბურთელებს, ყველა ოფიციალურ თამაშზე თან უნდა ჰქონდეთ სფფ-ის მიერ დამოწმებული მონაწილის ბარათი, რომელიც გაიცემა სფფ-ის ბაზაში მათი რეგისტრაციის საფუძველზე (კლუბი ვალდებულია მოახდინოს მასზე გაცემული ბარათების ლამინირება), წინააღმდეგ შემთხვევაში, ზემოთჩამოთვლილი ოფიციალური პირები სათადარიგოთა სკამზე სპეციალურად გამოყოფილ ტექნიკურ ზონაში არ დაიშვებიან. თუ გუნდს ჰყავს დამატებითი ექიმი ან სხვა ტექნიკური პერსონალი (სპორტული დირექტორი, მენეჯერი) მატჩის დელეგატთან ან მსაჯთან დამკვირვებელთან შეთანხმებით, გუნდს ტექნიკური ზონის გვერდით გამოეყოფა 7 დამატებითი ადგილი სათადარიგო სკამიდან 5 მეტრის მოშორებით. დამატებით ადგილებზე მჯდომ პირებს ყველა ოფიციალურ მატჩზე თან უნდა ჰქონდეთ სფფ-ის მიერ დამოწმებული ბარათები რომელიც გაიცემა სფფ-ის ბაზაში მათი რეგისტრაციის საფუძველზე, წინააღმდეგ შემთხვევაში, ზემოთჩამოთვლილი პირები ტექნიკურ ზონაში, ან დამატებით ადგილებზე არ დაიშვებიან. ტექნიკურ ზონაში ოფიციალური პირების რაოდენობა არ უნდა აღემატებოდეს 17-ს (ტექნიკური ზონის მიმდებარედ გამოყოფილი დამატებითი 7 ადგილის ჩათვლით). კლუბის პრეზიდენტი და სხვა ხელმძღვანელი პირები განთავსდებიან საპატიო სტუმართათვის გამოყოფილ ადგილებზე. დისკვალიფიცირებულ პირებს (მოთამაშეები, მწვრთნელები, პერსონალი), რომლებსაც ამავე ან წინა მატჩებში გაძევების ან სხვა დარღვევის გამო მატჩში მონაწილეობის უფლება არა აქვთ, ასევე ეკრძალებათ

მატჩამდე და მატჩის მიმდინარეობისას (შესვენების დროსაც) გუნდის გასახდელში, სათადარიგოთა სკამზე, სპეციალურად გამოყოფილ ტექნიკურ ზონაში, ან სათამაშო მოედნის სიახლოვეს ყოფნა და მითითებების მიცემა.

4.8. მასპინძელი კლუბი ვალდებულია მატჩის ორგანიზებაში მონაწილე პირები უზრუნველყოს სპეციალური საშვებით. ამასთანავე მასპინძელმა კლუბმა უნდა გამოყოს საშვითა სისტემის კონტროლზე პასუხისმგებელი პირი. ამასთანავე კლუბმა უნდა უზრუნველყოს სფფ-ის სპეციალური საშვის (ყველგან გასვლის უფლებით) მქონე პირთა მატჩზე დაშვება და საპატიო სტუმართათვის გამოყოფილ ადგილზე მათი განთავსება.

4.9. სათანადოდ შევსებულ და ხელმოწერილ ოქმში თამაშის დაწყებამდე დაუშვებელია ცვლილებების შეტანა გარდა შემდეგი შემთხვევისა:

- თუ ოქმში მყოფი პირველი 11 მოთამაშიდან მატჩის ფაქტიურ დაწყებამდე რომელიმეს არ შეუძლია თამაშში მონაწილეობის მიღება გაუთვალისწინებელი მდგომარეობის გამო, იგი შეიძლება შეცვლილ იქნეს მატჩის ოქმში მყოფი ნებისმიერი სათადარიგო მოთამაშით. ასეთ შემთხვევაში ცვლილებათა ლიმიტი უცვლელი რჩება, ხოლო ძირითადი შემადგენლობიდან ამოღებულ მოთამაშეს უფლება არ აქვს გადაინაცვლოს სათადარიგო შემადგენლობაში და მოგვიანებით მიიღოს მატჩში მონაწილეობა. თუმცა, ეს არ ათავისუფლებს გამოკლებულ მოთამაშეს დოპინგზე შემოწმების ვალდებულებისგან.

4.10. თუ რომელიმე გუნდში მოედანზე არის 7-ზე ნაკლები მოთამაშე თამაში არ დაიწყება. თუ რაიმე მომენტში სხვადასხვა მიზეზით რომელიმე გუნდში მოედანზე დარჩება 7-ზე ნაკლები მოთამაშე — თამაში შეწყდება. საკითხი განსახილველად გადაეცემა სადისციპლინო კომიტეტს.

4.11. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის მასპინძელი გუნდი ვალდებულია ჩაწეროს ჩემპიონატისა და თასის გათამაშების ყველა მატჩი DVD დისკზე. მატჩის გადაღება უნდა მოხდეს შემადგენელი ადგილიდან, სათამაშო მოედნის ცენტრალური ხაზის გასწვრივ მტატივზე დამაგრებული, უძრავი და მაღალი

გარჩევადობის მქონე ციფრული კამერით. მატჩის გადაღება უნდა მოხდეს სრულად, პაუზების გარეშე. ამავე დროს გადაღება არ უნდა შეწყდეს, თუ საფინანსო სასტვენის შემდეგ ადგილი აქვს რაიმე ინციდენტს. მატჩის დასრულებისთანავე დაუყოვნებლივ უნდა მოხდეს მატჩის ამსახველი ვიდეო მასალის ჩატვირთვა კომპიუტერში და DVD დისკზე მისი ჩანერა. უნდა დამზადდეს DVD დისკის 2 ასლი. DVD დისკის დამზადებისთანავე ერთი ასლი უნდა გადაეცეს მატჩის დელეგატს ან მსაჯების დამკვირვებელს სფფ-ის საშეჯიბრო განყოფილებაში წარსადგენად, ხოლო მეორე ასლი უნდა გადაეცეს მატჩის მთავარ მსაჯს. ამის პარალელურად ეროვნულ ლიგაში, ეროვნულ ლიგა 2-სა და ლიგა 3-ში მასპინძელი კლუბი ვალდებულია მატჩის დასრულებიდან 24 საათში ატვირთოს სფფ-ის მიერ მითითებულ სერვერზე მატჩის უწყვეტი ვიდეოჩანაწერი.

4.12. მატჩის მსაჯები ვალდებული არიან შეამოწმონ გუნდების მოთამაშის მონაწილის ბარათები. იმ შემთხვევაში, თუკი მოთამაშის მონაწილის ბარათი რაიმე მიზეზით ვერ წარმოადგინა გუნდმა, მატჩზე მისი დაშვების საკითხი შეთანხმდება საშეჯიბრო განყოფილებასთან. მსაჯები მატჩის დაწყებამდე ამოწმებენ მოთამაშეთა ფორმის ფერებს. თუ გუნდების სათამაშო ფორმა ერთნაირია, წინამდებარე დებულების შესაბამისად ფორმა უნდა გამოიცვალოს სტუმართა გუნდმა. ჩემპიონატის და თასის მატჩებზე ფორმის ფერს ირჩევს მასპინძელი გუნდი, რის შესახებაც ჩემპიონატის დაწყებამდე წერილობით ყველა კლუბმა სფფ-ის საშეჯიბრო განყოფილებაში უნდა წარადგინოს საშინაო ფორმის ფერები.

4.13. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის მასპინძელი გუნდი ვალდებულია თითოეულ თამაშში მსაჯებს წარუდგინოს არანაკლებ 8 სათამაშო ბურთი. მასპინძელი გუნდი ასევე ვალდებულია უზრუნველყოს მატჩისას არანაკლებ 10 ბურთის მიმწოდებელი ბავშვის ყოფნა მატჩის დაწყებამდე ნახევარი საათით ადრე, რომლებიც უნდა იმყოფებოდნენ მოედნის პერიმეტრზე მთელი მატჩის განმავლობაში. ბურთებს აუცილებლად უნდა ჰქონდეს დამლა ერთ-ერთი შემდეგი წარწერით:

1. FIFA APPROVED ღა/ა6 FIFA QUALITY PRO

2. FIFA INSPECTED ღა/ა6 FIFA QUALITY

3. IMS - INTERNATIONAL MATCH STANDARD

- 4.14. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის კალენდარულ მატჩებში ნებადართულია ხუთ-ხუთი მოთამაშის შეცვლა სამი შეჩერებით. მხოლოდ მატჩის ძირითადი დროის ტაიმებს შორის შესვენებაზე განხორციელებული ცვლილება არ ითვლება შეჩერებად. მატჩის ნებისმიერი მიზეზით შეწყვეტის დროს (ტრავმა, უამინდობა, უნესრიგობები მოედანზე ან ტრიბუნაზე, განათების სისტემის გაუმართაობა და ა.შ.), განხორციელებული ცვლილება ითვლება შეჩერებად. პლეიოფის მატჩებში დამატებითი დროის დანიშვნა არ ანიჭებს გუნდებს მეოთხე შეჩერების გამოყენების უფლებას.
- 4.15. ტექნიკური ზონა სათადარიგოთა სკამის მარჯვენა და მარცხენა მხრიდან თითო მეტრით უნდა იყოს დაშორებული, ხოლო საფეხბურთო მოედნის გვერდითა ხაზიდან – არაუმეტეს 1 მეტრით. მოედნის ცენტრალური ხაზიდან ტექნიკური ზონები სიმეტრიულად უნდა იყოს დაცილებული 5-5 მეტრით.
- 4.16. სათადარიგო მოთამაშეთა მოთელვა უნდა ხდებოდეს მთავარი მსაჯის მიერ მითითებულ ადგილზე (ერთდროულად 5-5 მოთამაშე თითო გუნდიდან). დასაშვებია თითოეული გუნდის მოთამაშეებს თან ახლდეთ თითო-თითო ფიზმომზადების მწვრთნელი.
- 4.17. თამაშის დროს პირით ხაზს მიღმა, სარეკლამო ბანერის უკან დგომის უფლება აქვთ მხოლოდ ფოტოკორესპონდენტებს და ტელეოპერატორებს (რომელთაც გავლილი აქვთ აკრედიტაცია და მიღებული აქვთ გადასაცემლი) და ბურთის მომწოდებელ ბავშვებს.
- 4.18. მატჩის გადაღების უფლების მქონე ტელევიზიის ტელეოპერატორები განლაგდებიან მათთვის ხელსაყრელი და მატჩისთვის უსაფრთხო ადგილზე დელეგატთან შეთანხმებით.
- 4.19. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის გუნდებს თამაშის გადატანის მოთხოვნა შეუძლიათ იმ შემთხვევაში, თუ საქართველოს ეროვნულ ნაკრებში გამოძახებულია მათ განაცხადში მყოფი 3 ან მეტი მოთამაშე და

21-წლამდელთა ნაკრებში 5 ან მეტი მოთამაშე.

- 4.20. მონაწილე კლუბები ვალდებული არიან სფფ-ის ანგარიშზე ჩარიცხონ საწევრო შესატანი შემდეგი ოდენობით: ეროვნული ლიგა – 60 ათასი ლარი, ეროვნული ლიგა 2 – 40 ათასი ლარი, ლიგა 3 - 25 ათასი ლარი, ლიგა 4 - 15 ათასი ლარი. საწევრო შესატანის პირველი ნახევრის გადახდა ეროვნულ ლიგაში და ეროვნულ ლიგა 2-ში უნდა მოხდეს 2022 წლის 15 მარტამდე, ხოლო მეორე ნახევრისა 2022 წლის 15 ივლისამდე. საწევრო შესატანის პირველი ნახევრის გადახდა ლიგა 3-ში და ლიგა 4-ში უნდა მოხდეს 2022 წლის 15 აპრილამდე, ხოლო მეორე ნახევრისა 2022 წლის 15 აგვისტომდე.
- 4.21. სფფ-ის მიმართ ყველა სახის გადასახადი (დავალიანება) დაფარული უნდა იყოს სფფ-ის მიერ დადგენილ ვადაში. გადასახადის გადაუხდელობის შემთხვევაში საკითხი განსახილველად გადაეცემა სფფ-ის სადისციპლინო და საფეხბურთო დავების განმხილველ კომიტეტს.
- 4.22. სფფ-ის რეკვიზიტებია: სს „**ვითიბი ბანკი ჯორჯია**“, **ბანკის კოდი: UGEBG22, ანგარიშის № GE27VT6600262544883608, საიდენტიფიკაციო კოდი 201990079.**
- 4.23. მასპინძელი გუნდი ვალდებულია თამაშის წინა დღეს სტუმარი გუნდის მოთხოვნის საფუძველზე მასპინძელი გუნდი უზრუნველყოფს სავარჯიშო მოედანს, რომლის საფარი (ყველა ლიგაში შესაძლებელია ხელოვნური საფარი) და გასახდელი უნდა აკმაყოფილებდეს შესაბამის მოთხოვნებს.
- 4.24. ყველა ლიგაში მაისურის უკანა მხარეს მოთამაშეს უნდა ეწეროს სათამაშო ნომერი, ასევე მკერდის მარცხენა მხარეს უნდა ჰქონდეს საკუთარი კლუბის ლოგო, რომელიც დამონმებულია სეზონისწინა განაცხადის მიღებისას. თუ მაისური ზოლიანია, მაისურზე ნომრები უნდა იყოს აღნიშნული ერთგვაროვან ფონზე.
ეროვნულ ლიგასა და ეროვნულ ლიგა 2-ში მოთამაშის მაისურის მარჯვენა მკლავზე უნდა განთავსდეს საქართველოს ეროვნული დროშა, მარცხენა მკლავზე კი ეროვნული ლიგის ლოგო. ეროვნული ლიგისა და ეროვნული ლიგა 2-ის გუნდების მაისურზე სავალდებულოა გვარების მითითება ქართულ ენაზე. შესაბამის შრიფტს და ზომებს ყოველი სეზონის დაწყების წინ დაადგენს და გუნდებს მიაწვდის სფფ-

ის საშეჯიბრო განყოფილება.

ეროვნულ ლიგასა და ეროვნულ ლიგა 2-ში დაუშვებელია სათამაშო ნომრის გამოცვლა სეზონის მიმდინარეობის განმავლობაში. გამონაკლისი დაიშვება მხოლოდ ზაფხულის სატრანსფერო პერიოდში, იმ შემთხვევაში თუკი კლუბიდან წასული ფეხბურთელის ნომერს დაეუფლება ახალწვეული.

ეროვნული ლიგისა და ეროვნული ლიგა 2-ის კლუბები ვალდებული არიან, საქართველოს მოქალაქეობის მქონე ფეხბურთელს მაისურზე დაანერონ მხოლოდ და მხოლოდ გვარი, ხოლო ლეგიონერების შემთხვევაში გვარ-სახელის დაწერის ფორმა აუცილებლად შეუთანხმონ საქართველოს ფეხბურთის ფედერაციის საშეჯიბრო განყოფილებას.

ეროვნულ ლიგაში, ეროვნულ ლიგა 2-ში, ლიგა 3-სა და ლიგა 4-ში კლუბის ძირითად განაცხადში მყოფი ფეხბურთელებისთვის და ასევე იმ ფეხბურთელებისთვის, რომლებიც შესაძლებელია ასაკობრივი ან ფარმ-გუნდებიდან მოხვდნენ ძირითადი გუნდის მატჩის განაცხადში, ნომრების თავისუფალი არჩევანია 1-დან 40-მდე. განაცხადში შეყვანილი ყოველი ახალი ფეხბურთელი აიღებს მხოლოდ დარჩენილ თავისუფალ ნომერს, ხოლო სეზონის განმავლობაში ფეხბურთელთა რაოდენობის 40-ზე გადაჭარბების შემთხვევაში იმოქმედებს რიგითობის პრინციპი: 41, 42, 43 და ა.შ.

ეროვნული ლიგის კლუბები ვალდებული არიან ჩემპიონატის დაწყებამდე სფფ-ის შესაბამის განყოფილებას ელექტრონულად წარუდგინოს გუნდური ფოტო, იმ სათამაშო ფორმით რომლითაც გამართავს საშინაო მატჩებს, სტაფის და ფეხბურთელების ინდივიდუალური ფოტოები (უნდა იყოს სტუდიური, დამუშავებული, ფონის გარეშე)

4.25. გუნდს უნდა გააჩნდეს სამი მკვეთრად განსხვავებული ფერის ფორმა. მეკარის ფორმა მკვეთრად უნდა გამოირჩეოდეს ორივე გუნდის მოთამაშეთა და მსაჯთა ფორმის ფერებისაგან.

4.26. ეროვნულ ლიგაში, ეროვნულ ლიგა 2-ში, ლიგა 3-სა და ლიგა 4-ში მასპინძელი გუნდი ვალდებულია მატჩის დაწყებამდე 1 საათით ადრე სტადიონზე იყოლიოს სასწრაფო სამედიცინო დახმარების ბრიგადა, რომლის მანქანა აღჭურვილი იქნება შესაბამისად და ლიცენზირებული იქნება სამედიცინო საქმიანობის სახელმწიფო რეგულირების სააგენტოს მიერ.

ეროვნულ ლიგაში მასპინძელი გუნდი ვალდებულია მატჩის დაწყებამდე 15 წუთით ადრე სტადიონზე იყოლიოს სახანძრო მანქანაც. ეროვნულ ლიგა 2-ში, ლიგა 3-სა და ლიგა 4-ში სახანძრო მანქანის ყოლა აუცილებელია კონკრეტულ მატჩზე სფფ-ის მოთხოვნის შემთხვევაში.

მასპინძელი გუნდი ასევე ვალდებულია მატჩის დაწყებამდე 1 საათით ადრე სტადიონზე უზრუნველყოს შესაბამისი ლიცენზიის მქონე საზოგადოებრივი ნესრიგის დამცველთა და/ან მუნიციპალური პოლიციის წარმომადგენელთა საჭირო რაოდენობა.

მატჩის დელეგატის მოთხოვნისთანავე სავალდებულოა, რომ სასწრაფო დახმარების ექიმმა, სახანძრო მანქანის ეკიპაჟის წარმომადგენელმა, ასევე უსაფრთხოებაზე პასუხისმგებელი ორგანიზაციის ან მუნიციპალური პოლიციის წარმომადგენელმა ხელი მოაწერონ მატჩის დელეგატის პა-ტაკში.

4.27. კლუბი ვალდებულია გუნდიდან განთავისუფლებული მოთამაშის მონაწილის ბარათი 48 საათის განმავლობაში ჩააბაროს სფფ-ის შესაბამის სამსახურს და ამავე დროის განმავლობაში წერილობით აცნობოს სფფ-ს ამ მოთამაშის გუნდიდან წასვლის შესახებ.

4.28. მატჩში მონაწილე გუნდები ვალდებული არიან საათნახევრით ადრე გამოცხადდნენ სტადიონზე. დელეგატი (მსაჯთა და-მკვირვებელი) და არბიტრი საჭიროების შემთხვევაში მატჩის დაწყებამდე საათნახევრით ადრე ატარებენ თათბირს, რომელშიც მონაწილეობას მიიღებენ ორივე გუნდის წარმომადგენლები, საზოგადოებრივი ნესრიგის დამცავი სტრუქტურის თანამშრომელი, მსაჯები, სტადიონის პასუხისმგებელი პირი, მასპინძელი გუნდის უსაფრთხოების ოფიცერი.

4.29. მატჩების დაწყების დროს განსაზღვრავს სფფ და ატყობინებს მონაწილეებს და მედიას მათ ჩატარებამდე 3 დღით ადრე. სფფ-ის საშეჯიბრო განყოფილებას ნებისმიერ დროს შეუძლია მიიღოს გადაწყვეტილება მატჩის თარიღისა და დროის შეცვლის ან სხვა სტადიონზე გამართვის შესახებ. გუნდებს, სფფ-სთან წინასწარი შეთანხმების საფუძველზე, შეუძლიათ მატჩები ჩაატარონ ხელოვნური განათების ქვეშ (ამის შესახებ მასპინძელმა უნდა აცნობოს სფფ-ს სამი

დღით ადრე). იმ შემთხვევაში, როცა დაგეგმილია მატრის პირდაპირი ტელერეპორტაჟი ან ტრანსლიაცია ინტერნეტში, სფფ უფლებას იტოვებს მისი დანყების დრო დააკორექტიროს მატრის წინა დღეს.

- 4.30. კალენდარულ მატრზე მითითებულ დროს რომელიმე გუნდის გამოუცხადებლობის შემთხვევაში, მთავარი მსაჯე ვალდებულია შეამოწმოს მატრზე მოსული გუნდის მოთამაშეთა ბარათები, ამის შემდეგ დამსწრე გუნდი და მსაჯეები ვალდებული არიან სათამაშო ფორმით გავიდნენ მოედანზე და დააფიქსირონ თამაშისთვის მზადყოფნა.
- 4.31. კალენდარულ მატრზე მითითებულ დროზე რომელიმე გუნდის დაგვიანებით გამოცხადების შემთხვევაში გადანყვეტილებას მატრის გამართვის, დასაწყისის გადავადების (მაქსიმუმ 45 წუთი) ან სხვა დღეს გადატანასთან დაკავშირებით იღებს სფფ-ის საშეჯიბრო განყოფილება.
- 4.32. მატრის დანყების წინ და დამთავრების შემდეგ მოთამაშეები ვალდებული არიან ხელი ჩამოართვან ერთმანეთს და მსაჯებს, მიესალმონ და დაემშვიდობონ მაყურებლებს.
- 4.33. მატრის მიმდინარეობის დროს და შესვენებისას ოქმში მყოფ მოთამაშეებს, მწვრთნელებს და კლუბის სხვა ოფიციალურ პირებს ეკრძალებათ ტელეფონით სარგებლობის ან სათამაშო ეპიზოდის ვიდეოჩანაწერის ნახვის შემდეგ მსაჯის გადანყვეტილების გაპროტესტება.
- 4.34. დაუშვებელია უარის თქმა ეროვნულ ლიგასა და ეროვნულ ლიგა-2-ში სფფ-ის მიერ პერიოდული მონიტორინგის მიზნით დაგეგმილ EPTS აღჭურვილობის გამოყენებაზე მონაწილე გუნდებისა თუ მოთამაშეთა მხრიდან. ხოლო იმ შემთხვევაში, თუ კლუბს აქვს მსგავსი ელექტრონული სისტემის გამოყენების სურვილი, მატჩამდე მინიმუმ სამი დღით ადრე წერილობით უნდა აცნობოს სფფ-ის საშეჯიბრო განყოფილებას. უშუალოდ მატრის წინ ზემოთაღნიშნული სისტემის თავსებადობის შემოწმებას საერთაშორისო სტანდარტთან ახორციელებენ მატრის არბიტრი და დელეგატი.
- 4.35. ზემოთ ჩამოთვლილი პუნქტების შეუსრულებლობის შემთხვევაში, მატრის დელეგატს (მსაჯთა დამკვირვებელს) უფლება აქვს არ ჩაატაროს მატჩი, შეადგინოს შესაბამისი ოქმი, საკითხი კი განსახილველად გადასცეს სადისციპლინო

კომიტეტს.

- 4.36. თუ ჩემპიონატიდან მოხსნილმა გუნდმა ჩაატარა ჩემპიონატის ყველა თამაშის ნახევარზე (არ ითვლება პლეიოფის მატჩები) ნაკლები, მისი შედეგები გაუქმდება და გუნდი ამოღებული იქნება გათამაშების ცხრილიდან. მატჩების ნახევრის ან მეტის ჩატარების შემთხვევაში გუნდს ყველა დარჩენილ თამაშში ჩაეთვლება წაგება 0:3 (მონინალმდეგეს მოგება 3:0) – ასეთი გუნდი დაგროვილი ქულებით დარჩება გათამაშების ცხრილში. ჩემპიონატიდან მოხსნილი გუნდი მომდევნო ჩემპიონატში დაქვეითდება ქვედა ლიგაში.

როცა ჩემპიონატის ფორმატი მოიცავს ერთზე მეტ ეტაპს, მოხსნილი გუნდის ნაჩვენები შედეგები ძალაში რჩება იმ შეთხვევაშიც თუ გუნდს ნათამაშები აქვს ჩემპიონატის პირველი ეტაპის მატჩების ნახევარი ან მეტი.

- 4.37. ეროვნულ ლიგაში, ეროვნულ ლიგა 2-ში, ლიგა 3-ში, ლიგა 4-ში, რეგიონულ ლიგასა და ასაკობრივ ლიგებში მოთამაშეები ყოველი 4 გაფრთხილების შემდეგ ტოვებენ მომდევნო ტურის ერთ შეხვედრას, ხოლო მწვრთნელები ყოველი 2 გაფრთხილების შემდეგ. საქართველოს თასის გათამაშებაში მოთამაშეები და მწვრთნელები ყოველი 2 გაფრთხილების შემდეგ ტოვებენ თასის გათამაშების მომდევნო ერთ შეხვედრას. მოთამაშე მწვრთნელების ბარათები აღირიცხება მატჩის ოქმში მითითებული სტატუსის მიხედვით (სხვადასხვა სტატუსის დროს მიღებული ბარათები არ ჯამდება) იმ შემთხვევაში, როცა მოთამაშე თასის რომელიმე ეტაპზე იღებს მეორე გაფრთხილებას, ის მომდევნო ეტაპის მატჩს ტოვებს როგორც ძირითად გუნდში, ასევე ფარმ-გუნდში.

საქართველოს ეროვნული ჩემპიონატის მატჩებში მიღებული გაფრთხილებები არ ვრცელდება საქართველოს თასის გათამაშების მატჩებში და პირიქით. თუ მატჩი არ ჩატარდა და დაფიქსირდა ტექნიკური შედეგი, მოთამაშის დისკვალიფიკაციის ვადა უცვლელი რჩება.

ყველა ლიგაში მიღებული ყვითელი და წითელი, ასევე საქართველოს თასზე მიღებული წითელი ბარათები უცვლელად ვრცელდება პლეიოფის მატჩებზეც.

- 4.38. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის კლუბების ძირითადი გუნდის და მათი ფარმ-

გუნდის მოთამაშეების მიერ მიღებული ყვითელი ბარათები მოქმედებს მხოლოდ იმ გათამაშებაში, რომლებშიც ისინი იქნა მიღებული (არ ჯამდება), ხოლო ყვითელი ბარათებით გამოწვეული სანქციის (არ გადადის მომავალ სეზონზე), წითელი ბარათის და სხვა დისციპლინარული სასჯელის მიღების შემთხვევაში, კლუბების პირველი გუნდის, ფარმ-გუნდის ან ასაკობრივი გუნდების მოთამაშე ტოვებს თამაშს ყველა გუნდში, სანამ არ გაუვა სასჯელის ვადა იმ გუნდში, რომელ გუნდშიც დაუნესდა სანქცია.

იმ შემთხვევაში, როცა ლიგა 3-ის, ლიგა 4-ის, რეგიონული ლიგის და ასაკობრივი ლიგის გათამაშება სრულდება ან შეწყდება რაიმე მიზეზის გამო, ან ზემოთხსენებულ ლიგებში იმაზე ადრე იწყება საზაფხულო პაუზა, სადაც მონაწილეობს ძირითადი გუნდი, ფეხბურთელი დისკვალიფიკაციას იხდის ძირითად გუნდში. ხოლო, როცა ფეხბურთელს მომავალ სეზონში გადაყვება დაკისრებული სანქცია, დისკვალიფიკაციას მოიხდის იმ გუნდში, სადაც იქნება დარეგისტრირებული.

- 4.39. ჩემპიონატის მსვლელობისას ეროვნულ, ეროვნულ ლიგა 2-ში, ლიგა 3-სა და ლიგა 4-ში ფეხბურთელის ერთი გუნდიდან მეორეში გადასვლისას, წინა გუნდში მიღებული ყვითელი ბარათები ძალაში რჩება. მიუხედავად იმისა თუ კლუბის რომელ გუნდში დარეგისტრირდება ფეხბურთელი, ძირითად გუნდში მიღებული ბარათები გადაჰყვება ძირითად გუნდში, ფარმ-გუნდში მიღებული გადაჰყვება ფარმ-გუნდში, ასაკობრივი ლიგაში მიღებული გადაჰყვება შესაბამის ასაკობრივ გუნდში. იმ შემთხვევაში როცა ფეხბურთელის მიმღებ კლუბს არ ჰყავს ფარმ-გუნდი ან შესაბამისი ასაკობრივი გუნდი, ფეხბურთელს ძირითად გუნდში გადაჰყვება მხოლოდ იმ გუნდში მიღებული ბარათები რომელშიც იყო რეგისტრირებული.

რეგიონული ლიგისა და მასში მონაწილე ფარმ-გუნდის მოთამაშეებისთვის მოქმედებს განსხვავებული წესი:

1. რეგიონული ლიგის გუნდიდან ყველა სხვა ლიგის გუნდში ან ყველა სხვა ლიგის გუნდიდან რეგიონული ლიგის გუნდში გადასულ მოთამაშეს მიღებული ყვითელი ბარათები არ გადაჰყვება, ხოლო რეგიონული ლიგის ერთი გუნდიდან

მეორეში გადასვლისას მიღებული ყვითელი ბარათები ძალაში დარჩება.

2. იმ შემთხვევებში, როცა რეგიონულ ლიგაში მონაწილე ფარმ-გუნდში ხდება რანგით უფრო მაღალი ლიგიდან გადმოსული მოთამაშის რეგისტრაცია წინა გუნდში მიღებული ყვითელი ბარათები ძალაში დარჩება.

ხოლო ეროვნულ, ეროვნულ ლიგა 2-ში, ლიგა 3-სა და ლიგა 4-ში ფეხბურთელის ერთი გუნდიდან მეორეში გადასვლისას, წინა გუნდში მიღებული ყვითელი ბარათები ძალაში რჩება. ამასთანავე მოთამაშის ფარმ-გუნდში დამტკიცების შემთხვევაში რეგიონულ ლიგაში ან რანგით დაბალ ლიგაში მიღებული ყვითელი ბარათები ძალაში დარჩება.

- 4.40. 2022 წლის ეროვნული ლიგის, სასტარტო ცხრილი (ცხრილში მითითებული ნომრები შეიძლება გამოყენებულ იქნას სამე-ჯობრო განყოფილების მიერ კალენდრის შედგენისას) განი-საზღვრება შემდეგი პარამეტრებით:

პირველი ადგილიდან მე-7 ადგილის ჩათვლით 2021 წლის ეროვნული ლიგის საბოლოო ცხრილის მიხედვით

მე-8 ადგილი, 2021 წლის ეროვნულ ლიგა-2-ში გამარჯვე-ბული გუნდი, ხოლო მე-9 და მე-10 ადგილების განსაზღვრა მოხდება ვირტუალური ცხრილით:

1-ლი ადგილი: ეროვნულ ლიგაში მე-8 ადგილზე გასული გუნდი (პლეიოფში გამარჯვების შემთხვევაში)

მე-2 ადგილი: ეროვნულ ლიგაში მე-9 ადგილზე გასული გუნდი (პლეიოფში გამარჯვების შემთხვევაში)

მე-3 ადგილი: ეროვნულ ლიგა 2-ში მე-2 ადგილზე გასული გუნდი (პლეიოფში გამარჯვების შემთხვევაში)

მე-4 ადგილი: ეროვნულ ლიგა 2-ში მე-3 ადგილზე გასული გუნდი (პლეიოფში გამარჯვების შემთხვევაში)

იგივე პრინციპი შეიძლება გამოყენებულ იქნას ეროვნულ ლიგა 2-შიც.

5. გუნდების განაცხადების გაფორმება

- 5.1. ეროვნული ლიგის, ეროვნული ლიგა 2-ის, ლიგა 3-ის და ლიგა 4-ის გუნდების განაცხადების მიღებას და მონაწილეთა დამტკიცებას უზრუნველყოფს სფფ-ის საშეჯობრო განყო-

ფილება.

- 5.2. კლუბიდან კლუბში მოთამაშეთა გადასვლას აღრიცხავს სფფ-ის საშეჯიბრო განყოფილება, ხოლო სადავო საკითხებს განიხილავს სფფ-ის სადისციპლინო და საფეხბურთო დავეების განმხილველი კომიტეტი, რომლის გადაწყვეტილების გასაჩივრება სფფ-ის წესდების შესაბამისად შეიძლება სფფ-ის საფეხბურთო დავეების განმხილველ სპორტულ ტრიბუნალში.
- 5.3. გუნდების განაცხადები მიიღება მას შემდეგ, რაც კლუბები წარმოადგენენ სარეგისტრაციო საბუთებს.
- 5.4. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის მონაწილე გუნდები ვალდებული არიან დადგენილი განრიგის მიხედვით სფფ-ში წარმოადგინონ:
 - სამეწარმეო რეესტრში რეგისტრირებული წესდების ასლი და ბოლო 10 დღის ამონაწერი სამეწარმეო რეესტრიდან.
 - საფეხბურთო კლუბის იურიდიული მისამართი რეესტრის ამონაწერის მიხედვით და ბანკის რეკვიზიტები (კლუბის ოფისის, სტადიონის და ბაზის ტელეფონის, ფაქსის ნომრები, ელექტრონული ფოსტის მისამართი).
 - საფეხბურთო კლუბის ხელმძღვანელობა (პრეზიდენტი, ვიცე-პრეზიდენტი, აღმასრულებელი დირექტორი, სპორტული დირექტორი, პასუხისმგებელი მდივანი, მწვრთნელები, უსაფრთხოების ოფიცერი, პრეს-ატაშე და სხვა), მათი მისამართები და ტელეფონები.
 - ხელშეკრულება სტადიონის მფლობელის ან იჯარის (მინიმუმ ერთი საფეხბურთო სეზონი) შესახებ.
 - საფეხბურთო კლუბის ხელშეკრულებები საზოგადოებრივი წესრიგის დამცავ სტრუქტურებთან მატჩების უსაფრთხოდ ჩატარების შესახებ.
 - ხელშეკრულება იმ სამედიცინო დანესებულებასთან, რომელმაც მოახდინა კლუბის ფეხბურთელების შემოწმება.
 - კლუბმა დებულების 4.20 მუხლში მითითებული თარიღის შესაბამისად უნდა წარადგინოს ბანკის მიერ დამოწმებული საგადასახადო დავალება სფფ-ის ანგარიშზე ჩემპიონატის ამ დებულებით გათვალისწინებული თანხის გადარიცხვის შესახებ.
 - კლუბის ოფიციალურად დადასტურებული წერილი საშინაო თამაშებზე ფორმის კომპლექტის (მაისური, ტრუსი, გეტრი,

მეკარის ფორმის მაისური, ტრუსი, გეტრი) შესახებ. თუ სეზონის მსვლელობისას გუნდი იცვლის საშინაო ფორმის ფერებს, ამის შესახებ დამატებით უნდა ჰქონდეს გაგზავნილი სფფ-ის საშეჯიბრო განყოფილებაში ოფიციალურად დადასტურებული წერილი.

- გუნდის განაცხადი 3 ეგზემპლარად; (რომელიც მოიცავს სამედიცინო შემოწმების დადასტურებას)

- მოთამაშეთა და მწვრთნელთა კონტრაქტები, გაფორმებული მინიმუმ 2022 წლის სეზონის ბოლომდე. იმ მოთამაშეთა კონტრაქტების მოქმედების ვადა შესაძლებელია იყოს განსხვავებული, რომელიც 2021 წელს უკვე იყო რეგისტრირებული სფფ-ის საშეჯიბრო განყოფილებაში ასევე საიჯარო ხელშეკრულებები.

- პასპორტის ან პირადობის მოწმობის ასლები;

- მოთამაშეთა ახალი ბარათები სურათით.

- ეროვნული ლიგის კლუბებმა უნდა წარმოადგინონ გუნდის ფერადი ფოტოსურათი (ზომით 18X12 სმ), ფეხბურთელების, პრეზიდენტის და მთავარი მწვრთნელის თითო ფერადი სურათი.

- ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის გუნდებს ეკრძალებათ სახელის გადარქმევა და ლოგოს გამოცვლა სეზონის მიმდინარეობისას. კლუბის ლოგოს დამონება ხდება სეზონის დასაწყისში განაცხადის მიღებისას სფფ-ის შესაბამისი სამსახურის მიერ.

5.5. ეროვნულ ლიგაში, ეროვნულ ლიგა 2-სა და ლიგა 3-ში მონაწილე გუნდები ვალდებული არიან გააფორმონ მხოლოდ პროფესიონალური კონტრაქტები:

5.6. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის ჩემპიონატის მსვლელობისას, ყველა ლიგაში თითოეული გუნდის განაცხადში შეიძლება შეყვანილი იყოს 30 მოთამაშე. თუ გუნდი დამატკიცებს 30-ზე მეტ მოთამაშეს, იგი ვალდებულია გადაიხადოს ყოველ დამატებულ მოთამაშეზე: ეროვნულ ლიგაში — 3000, ეროვნულ ლიგა 2-ში — 2500, ლიგა 3-ში — 1500 ლარი, ხოლო ლიგა 4-ში 1000 ლარი.

ეროვნულ ლიგაში, ეროვნულ ლიგა 2-ში, ლიგა 3-სა და ლიგა 4-ში ძირითადი გუნდის განაცხადში უნდა იყოს რეგისტრირებული კლუბის განვრთნილი მინიმუმ 5 ფეხბურთელი. ფეხბურთელი

ითვლება კლუბის განვრთნილად, თუ იგი 15-დან 21 წლის ასაკამდე, მინიმუმ, სამი საფეხურთო სეზონის ან სამი კალენდარული წლის განმავლობაში (საერთო ჯამში 36 თვე) იყო რეგისტრირებული აღნიშნულ კლუბში. კლუბი ვალდებულია სათანადოდ მიუთითოს ამ ფეხბურთელების ვინაობა განაცხადში.

იმ შემთხვევაში, თუ ძირითად გუნდში ასეთი ფეხბურთელების რაოდენობა 5-ზე ნაკლებია, ამ გუნდში ფეხბურთელების უფასოდ რეგისტრაციის ზედა ზღვარი შემცირდება კლუბის განვრთნილი ფეხბურთელების დანაკლისის პროპორციულად, შემდეგი ცხრილის შესაბამისად:

კლუბის განვრთნილი ფეხბურთელების რაოდენობა ძირითად გუნდში	ძირითად გუნდში ფეხბურთელების უფასოდ რეგისტრაციის მაქსიმალური რაოდენობა
5	30
4	29
3	28
2	27
1	26

- 5.7. განაცხადში მოთამაშის ადგილი თავისუფლდება იმ შემთხვევაში, თუ მას გაინვევენ სავალდებულო სამხედრო სამსახურში ან იმყოფება თავისუფლების აღმკვეთი ღონისძიების დაწესებულებაში.
- 5.8. ნებისმიერ ლიგაში ნებისმიერ დროს ყველა გუნდისთვის ნებადართულია ბავშვთა სკოლიდან მოთამაშეთა დამტკიცება.
- 5.9. გუნდის განაცხადი მონმდება კლუბის უფლებამოსილი პირის, სამედიცინო დაწესებულების ხელმოწერით და შესაბამისი ბეჭდით.
- 5.10. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის კლუბებს უფლება აქვთ ჩემპიონატის ნებისმიერი მატჩის ოქმში შეიყვანონ თავისი ფარმ-გუნდიდან და ასაკობრივი ლიგებიდან 20 მოთამაშე.
- 5.11. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის კლუბებს უფლება აქვთ თავიანთ ფარმ-გუნდებში ათამაშონ ძირითად გუნდში დარეგისტრირებული არაუმეტეს

ორი მოთამაშისა. შეზღუდვა არ ვრცელდება ასაკობრივი ლიგების მოთამაშეებზე.

- 5.12. კლუბს უფლება აქვს სხვადასხვა კლუბში გაუშვას მოთამაშე იჯარით, მაგრამ არაუმეტეს ორი მოთამაშისა იმავე ლიგის კლუბში (ყოველ სატრანსფერო პერიოდამდე). იჯარით გასხვისებულ მოთამაშეს მხოლოდ იმ შემთხვევაში შეუძლია მეპატრონე კლუბის წინააღმდეგ თამაში, თუ კლუბი წარმოადგენს, ფეხბურთელის მფლობელი კლუბის წერილობით თანხმობას.
- 5.13. ეროვნული ლიგისა და ეროვნული ლიგა 2-ის კლუბები ვალდებული არიან სფფ-ის მიერ ორგანიზებულ, 19-წლამდელთა, 17-წლამდელთა და 15-წლამდელთა ასაკობრივი ლიგის თითოეულ გათამაშებაში გამოიყვანონ მინიმუმ ერთი გუნდი.
- 5.14. კლუბს შეუძლია ჰყავდეს მოთამაშე-მწვრთნელი.
- 5.15. კლუბის საჩემპიონატო განაცხადში შეყვანილი ოფიციალური პირები (რომლებიც ჩამოთვლილია 4.7. პუნქტში) აუცილებლად უნდა იქნენ შეყვანილი მატჩის ოქმში, გარდა იმ შემთხვევებისა თუ რომელიმე ოფიციალური პირის არყოფნა მატჩზე გამოწვეულია რაიმე საპატიო მიზეზით. კლუბი ვალდებულია ამის თაობაზე განუმარტოს მატჩის დელეგატს. დარღვევის დადგენის შემთხვევაში, თუ საკითხი შეეხება სფფ-ის კლუბების ლიცენზირების დებულებებით განსაზღვრულ კადრებს, იგი შემდგომი რეაგირებისთვის გადაეცემა სფფ-ის კლუბების ლიცენზირების ორგანოებს.

6. მოთამაშეების ტრანსფერი

- 6.1. მოთამაშე, რომელსაც სურს სფფ-ის ეგიდით გამართულ ნებისმიერ შეჯიბრებაში მონაწილეობა და შეყვანილია კლუბის განაცხადში, რეგისტრირდება სფფ-ში.
- 6.2. სფფ-ის ეგიდით გამართულ შეჯიბრებებში მონაწილეობისათვის მოთამაშე შეიძლება დარეგისტრირდეს სფფ-ის მიერ დაწესებულ სატრანსფერო პერიოდებში:
სფფ-ის მიერ დადგენილი სატრანსფერო პერიოდებია: პირველი პერიოდი – 2022 წლის 8 იანვრიდან – 2022 წლის 31 მარტის ჩათვლით.
მეორე პერიოდი – 2022 წლის 20 ივნისიდან – 2022 წლის 17

ივლისის ჩათვლით;

საერთაშორისო ტრანსფერისას გათვალისწინებული იქნება იმ ქვეყნის სატრანსფერო პერიოდები, რომლის კლუბთანაც ხორციელდება ტრანსფერი.

- 6.3. საფეხბურთო სეზონის განმავლობაში მოთამაშე შეიძლება დარეგისტრირდეს სამ კლუბში, ოფიციალურ მატჩებში (ევროტურნირების მატჩების ჩათვლით) ორ კლუბში მონაწილეობის უფლებით. მატჩის ოქმში მოთამაშის შეყვანა არ ნიშნავს მონაწილეობას (ფიფას პროფესიონალ ფეხბურთელთა სტატუსისა და ტრანსფერის წესების მუხლი 5, პუნქტი 3-ის თანახმად).
- 6.4. დაუშვებელია კონტრაქტის ცალმხრივად შეწყვეტა საფეხბურთო სეზონის მსვლელობისას (ფიფას პროფესიონალ ფეხბურთელთა სტატუსისა და ტრანსფერის წესების მუხლი 16).
- 6.5. კლუბს და მოთამაშეს შეუძლიათ გააუქმონ არსებული სამუშაო კონტრაქტი დასაქმების პირველი სეზონის გასვლამდე, თუ ეს გადაწყვეტილება მიღებული იქნება ორივე მხარის მიერ, ორმხრივი თანხმობის საფუძველზე. ამ შემთხვევაში მოთამაშეს შეუძლია რეგისტრაცია გაიაროს ახალ კლუბში სფფ-ის მიერ ხელახლა გახსნილ სარეგისტრაციო პერიოდში.
- 6.6. მოთამაშის გადასვლა ერთი კლუბიდან მეორეში იჯარის წესით ითვლება ერთ გადასვლად, ხოლო იჯარის ვადის დასრულების შემდეგ მოთამაშის დაბრუნება ძველ კლუბში გადასვლად არ ითვლება. შესაბამისად მოთამაშის იჯარით გადაცემის ვადა შეიძლება იყოს მეორე სატრანსფერო პერიოდამდე. აღნიშნული განმარტება არ ვრცელდება იმ შემთხვევისათვის, როცა იჯარის შესაბამისად მოთამაშე არ უბრუნდება თავის კლუბს და გადადის მესამე კლუბში. ეს შემთხვევა მოთამაშეს ჩაეთვლება მეორე გადასვლად.
- 6.7. სფფ-ის მიერ დაწესებული სატრანსფერო სარეგისტრაციო პერიოდის გარდა, რეგისტრაციაში უნდა გატარდეს ყველა ის მოთამაშე, რომლებმაც იპოვეს კლუბი სადაც უნდა გაიარონ რეგისტრაცია, თუ ისინი არ იყვნენ დაკავებული შრომითი კონტრაქტით სატრანსფერო პერიოდის ვადის დამთავრების შემდეგ.
- 6.8. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის კლუბებს უფლება აქვთ სარეგისტრაციო პერი-

ოდებში საქართველოს საზღვრებს გარედან მოიწვიონ და ძირითადი გუნდის განაცხადში შეიყვანონ მოთამაშეები, რომლებზეც სფფ-ს მიღებული ექნება შესაბამისი ქვეყნის ფედერაციის ნებართვა (სერთიფიკატი) საქართველოს ჩემპიონატში მონაწილეობისთვის.

- 6.9. უცხოეთიდან მოწვეულ მოთამაშეებზე ვრცელდება საქართველოში მოქმედი კანონმდებლობა. ლეგიონერების ჩემპიონატში მონაწილეობაზე მოქმედებს შემდეგი ლიმიტი: ეროვნული ლიგა - კლუბს მიეცეს უფლება სეზონის განმავლობაში განაცხადში ერთდროულად ჰყავდეს არაუმეტეს 10 (ათი) უცხო ქვეყნის მოქალაქისა. ლეგიონერის ჩანაცვლება სხვა ლეგიონერით შესაძლებელია მხოლოდ ღია სატრანსფერო პერიოდში (ლეგიონერად ჩაითვლება ყველა ის ფეხბურთელი, რომელიც არის უცხო ქვეყნის მოქალაქე და არა აქვს მნიშვნელობა ფეხბურთელი გასულ სეზონებში ირიცხებოდა თუ არა ქართულ კლუბებში);

ეროვნული ლიგის კლუბს უფლება აქვს ჩემპიონატის მსვლელობისას მატჩის ოქმში შეიყვანოს მხოლოდ ის ლეგიონერები, რომელებიც განაცხადში არიან ეროვნული ლიგა 2-ის და ლიგა 3-ის მონაწილე ფარმ-გუნდში ან ასაკობრივი ლიგის გუნდში.

ძირითად გუნდში, ფარმ-გუნდში და ასაკობრივ ლიგაში ერთდროულად განაცხადში ლეგიონერების ჯამი არ უნდა აღემატებოდეს 10-ს(ათს).

ეროვნული ლიგა 2 - კლუბს მიეცეს უფლება სეზონის განმავლობაში ერთდროულად განაცხადში ჰყავდეს არაუმეტეს 7 (შვიდი) უცხო ქვეყნის მოქალაქისა. ლეგიონერის ჩანაცვლება სხვა ლეგიონერით შესაძლებელია მხოლოდ ღია სატრანსფერო პერიოდში (ლეგიონერად ჩაითვლება ყველა ის ფეხბურთელი, რომელიც არის უცხო ქვეყნის მოქალაქე და არა აქვს მნიშვნელობა ფეხბურთელი გასულ სეზონებში ირიცხებოდა თუ არა ქართულ კლუბებში); ეროვნული ლიგა 2-ის კლუბს უფლება აქვს ჩემპიონატის მსვლელობისას მატჩის ოქმში შეიყვანოს მხოლოდ ის ლეგიონერები, რომელებიც განაცხადში არიან ეროვნულ ლიგა 2-ში, ლიგა 3-ის მონაწილე ფარმ-გუნდში ან ასაკობრივი ლიგის გუნდში.

ძირითად გუნდში, ფარმ-გუნდში და ასაკობრივ ლიგაში ერთ-

დროულად განაცხადში ლეგიონერების ჯამი არ უნდა აღემატებოდეს შვიდს.

ლიგა 3 - კლუბს მიეცეს უფლება სეზონის განმავლობაში ერთდროულად განაცხადში და მატჩის ოქმის ჰყავდეს არაუმეტეს 2 (ორი) უცხო ქვეყნის მოქალაქისა. ლეგიონერის ჩანაცვლება სხვა ლეგიონერით შესაძლებელია მხოლოდ ღია სატრანსფერო პერიოდში (ლეგიონერად ჩაითვლება ყველა ის ფეხბურთელი, რომელიც არის უცხო ქვეყნის მოქალაქე და არა აქვს მნიშვნელობა ფეხბურთელი გასულ სეზონებში ირიცხებოდა თუ არა ქართულ კლუბებში); ლიგა 3-ის კლუბს უფლება აქვს ჩემპიონატის მსვლელობისას მატჩის ოქმში შეიყვანოს მხოლოდ ის ლეგიონერები, რომლებიც განაცხადში არიან ლიგა 3-ში ან ასაკობრივი ლიგის გუნდში. ლიგა 3-ში მონაწილე ფარმ გუნდს მატჩის ოქმში შეუძლია ყავდეს (არაუმეტეს 2 უცხო ქვეყნის მოქალაქისა) ეროვნულ ლიგაში, ეროვნულ ლიგა 2-ში და ლიგა 3-ში დარეგისტრირებული ლეგიონერი.

ძირითად გუნდსა და ასაკობრივ ლიგაში ერთდროულად განაცხადში ლეგიონერების ჯამი არ უნდა აღემატებოდეს ორს. ლიგა 4-ის მონაწილე გუნდებისთვის დაუშვებელია უცხო ქვეყნის მოქალაქის მოწვევა და დარეგისტრირება. ლეგიონერების გამოყენების უფლება აქვთ მხოლოდ ფარმ-გუნდებს, ისეთ შემთხვევაში, როცა უცხო ქვეყნის მოქალაქე განაცხადშია ეროვნულ ლიგაში, ეროვნულ ლიგა 2-სა და ლიგა 3-ში მონაწილე ძირითად გუნდში, ან ასაკობრივი ლიგის გუნდში. ფარმ-გუნდის მატჩის ოქმში დასაშვებია მაქსიმუმ ორი ლეგიონერის შეყვანა.

6.10. კონტრაქტი და აგრეთვე ყველა შესაძლო ცვლილება და დამატება აუცილებლად უნდა იყოს აღრიცხული სფფ-ში. ამ მიზნით წარმოდგენილ უნდა იქნას:

ა) კონტრაქტის სამი ორიგინალი ყველა ცვლილებით და დამატებით, რომელზედაც კეთდება სფფ-ის შესაბამისი რეგისტრაცია;

ბ) კონტრაქტის ერთი ეგზემპლარი ცვლილებებით და დამატებებით რჩება სფფ-ში.

6.11. სფფ-ის შესაბამისი ორგანოების მიერ კონტრაქტის პირობების შესრულებასთან დაკავშირებული სადავო საკითხების

განხილვისას გამოყენებული იქნება საქართველოს ფეხბურთის ფედერაციის სადისციპლინო კოდექსი, ფიფას ფეხბურთელთა სტატუსისა და ტრანსფერების დებულება.

- 6.12. მოთამაშეების ტრანსფერთან დაკავშირებული სხვა საკითხები მოცემულია საქართველოს ფეხბურთის ფედერაციის ფეხბურთელთა სტატუსისა და ტრანსფერის დროებით დებულებაში.
- 6.13. კლუბები ვალდებული არიან ყოველი ფეხბურთელის, მწვრთნელის და საფეხბურთო ფუნქციონერის რეგისტრაციის შემდეგ მაქსიმუმ 48 საათის განმავლობაში შეჯიბრებების მართვის ელექტრონული სისტემის განყოფილებას ელექტრონული ფომით (ელ-ფოსტაზე: competition@gff.ge), შესაბამისი ფორმატით მიაწოდოს შემდეგი დოკუმენტები:
 1. პირადობის დამადასტურებელი მოწმობა ან პასპორტი (PDF)
 2. ფოტო 3X4
 3. გუნდის საერთო განაცხადი (PDF)
 4. ფეხბურთელების და მწვრთნელების ასევე განაცხადში მყოფი ყველა პირის კონტრაქტები (PDF)
 5. მწვრთნელთა ლიცენზიები
 6. გათავისუფლების ფურცელი არსებობის შემთხვევაში
 7. საერთაშორისო სატრანსფერო სერტიფიკატი აუცილებელია ზემოთ ჩამოთვლილი დოკუმენტები იყოს წაკითხვადი, ცალ-ცალკე ფაილად დასკანერებული და დასახელებაში მიეთითოს იმ პირის ვინაობა ვისაც ეკუთვნის დოკუმენტი.

7. შეჯიბრების ჩატარების აღბილი

- 7.1. სტადიონების მიღება ხდება სფფ-ის საშეჯიბრო განყოფილების მიერ ნებისმიერ დროს. ეროვნულ ლიგაში ყველა მატჩი იმართება ბუნებრივსაფარიან მოედანზე. ფორსმაჟორულ სიტუაციაში საშეჯიბრო განყოფილებამ შეიძლება დაუშვას გამონაკლისი და ეროვნული ლიგის მატჩი ჩატარდეს ალტერნატიულ საფარზე.
- 7.2. სტადიონზე, სპეციალურად გამოყოფილ ადგილზე, გამოფენილი უნდა იყოს საქართველოს დროშა.
- 7.3. სფფ-ის საშეჯიბრო განყოფილების თანხმობით კალენდარული მატჩი შეიძლება გადატანილ იქნას სხვა სტადიონზე. შესაბამისი თანხმობის მისაღებად საფეხბურთო კლუბმა სფფ-ს უნდა მიმართოს მატჩამდე არაუგვიანეს 3 დღით ადრე.

- 7.4. სტადიონის დისკვალიფიკაციის გამო გუნდი მომდევნო მატჩს/მატჩებს ჩაატარებს სფფ-ის მიერ მიღებულ სხვა სტადიონზე, რომლის შესახებაც გუნდმა სფფ-ს უნდა აცნობოს მომდევნო თამაშამდე არაუგვიანეს 3 დღით ადრე.
- 7.5. იმ შემთხვევაში, თუ საფეხბურთო მინდორი ან სტადიონი, რომელზეც კლუბი ატარებს საშინაო თამაშებს, არ შეესაბამება სფფ-ის მოთხოვნებს, კლუბმა უნდა წარმოადგინოს ალტერნატიული სტადიონი, რომელიც მიღებულია სფფ-ის მიერ.
- 7.6. თუ რომელიმე გუნდს გააჩნია პრეტენზია სათამაშო მოედნის მდომარეობის ან მისი ხარისხის გამო (საფარი, დახაზვა, კარის ზომა და ა.შ.) იგი ვალდებულია ამის შესახებ წერილობითი ფორმით აცნობოს მატჩის არბიტრს, დელეგატს და მსაჯთა დამკვირვებელს თამაშის დაწყებამდე მინიმუმ 90 წუთით ადრე (გარდა ფორსმაჟორული შემთხვევებისა). თამაშის ჩატარება-არჩატარების საკითხს, მიუხედავად რომელიმე გუნდის პრეტენზიისა, წევვტს მატჩის მთავარი მსაჯი მატჩის დელეგატთან (დელეგატის არყოფნის შემთხვევაში მსაჯების დამკვირვებელთან) კონსულტაციის შედეგად.
- 7.7. მასპინძელ გუნდს შეუძლია სტუმარი გუნდის თანხმობის გარეშე მიიღოს მოედნის მორწყვის გადაწყვეტილება. მოედანი უნდა მოირწყას მთლიანად. მორწყვა უნდა დამთავრდეს თამაშის დაწყებამდე 60 წუთით ადრე. მსაჯის თანხმობის შემთხვევაში, მასპინძელ გუნდს ასევე სტუმარი გუნდის თანხმობის გარეშე შეუძლია მოედნის მორწყვა თამაშის დაწყებამდე 10-დან 5 წუთამდე ინტერვალშიც და შესვენების დროს მაქსიმუმ 5 წუთის განმავლობაში.
- 7.8. კლუბი, რომელიც მოითხოვს ხელოვნური განათების ქვეშ თამაშს, ვალდებულია იქონიოს ელექტრო ენერგიის ალტერნატიული წყარო ან დამატებითი ენერგო კვების ბლოკი (გენერატორი), რომელსაც ექნება შესაბამისი სამსახურის მიერ გაცემული ვარგისიანობის სერტიფიკატი.
- 7.9. მატჩის მსვლელობისას განათების გამორთვის შემთხვევაში, მასპინძელი კლუბი მთავარი მსაჯისა და მატჩის დელეგატისა მითითებების გათვალისწინებით, ვალდებულია ყველა ღონე იხმაროს პრობლემის მოსაგვარებლად. თუ განათების ჩართვა ვერ მოხერხდა 45 წუთის განმავლობაში არბიტრი დელეგატთან (დელეგატის არ ყოფნის შემთხვევაში ერთპიროვნუ-

ლად) შეთანხმების საფუძველზე იღებს გადაწყვეტილებას მატჩის შეწყვეტის შესახებ. იმავე დღეს მატჩის განახლების, სრული ან დარჩენილი დროის სხვა დღეს ჩატარების შესახებ გადაწყვეტილებას იღებს სფფ-ის საშეჯიბრო განყოფილება. სტუმარ გუნდს მივლინების ხარჯებს აუნაზღაურებს მასპინძელი გუნდი. იმ შემთხვევაში, თუ მასპინძელი გუნდი ვალდებულია იღებს, რომ სტუმარი გუნდი განათავსოს მის მიერ მოძიებულ სასტუმროში, სასტუმროს ვარგისიანობას აფასებს მატჩის დელეგატი.

- 7.10. საფეხბურთო კარის დაზიანების შემთხვევაში, მასპინძელი გუნდი ვალდებულია 45 წუთის განმავლობაში შეცვალოს სრულფასოვნად აღჭურვილი კარით და გაგრძელდეს მატჩი, წინააღმდეგ შემთხვევაში მასპინძელ გუნდს ჩაეთვლება წაგება 0:3, სტუმართა გუნდს მიეკუთვნება მოგება 3:0, ხოლო თუ მასპინძელი გუნდი თამაშს აგებდა სამი ან მეტი ბურთის სხვაობით, მატჩის შედეგი ძალაში რჩება.
- 7.11. დაწყებული მატჩის შეწყვეტა და შემდგომში გადატანა (გაგრძელება) შესაძლებელია, მასპინძელი კლუბის მიერ უსაფრთხოების სათანადო ნორმების ვერუზრუნველყოფის შემთხვევაში; სტუმარი კლუბის იდენტიფიცირებული გულშემატკივრის უმართავი ქმედებების შემთხვევაში, რომლის პრევენცია აღემატება მასპინძელი კლუბის მიერ დაქირავებული დაცვის სამსახურისა და სამართალდამცავთა ძალებს, ასევე ფორსმაჟორული მდგომარეობისას, რომლის წინასწარ გათვალისწინება (წყალდიდობა, დიდთოვლობა, ხანძარი, მინისძვრა და სხვა ბუნებრივი მოვლენები) შეუძლებელია, ასევე სხვა გაუთვალისწინებელი შემთხვევებისას, რომლებიც მატჩის ორგანიზატორებისა და მონაწილეებისაგან დამოუკიდებლად მოხდება (საგანგებო მდგომარეობა) და სხვა მიზეზების გამო, რომელიც არბიტრის, დელეგატის ან მსაჯთა დამკვირვებლის აზრით, საშიშროებას წარმოადგენს მოთამაშეთა ჯანმრთელობისათვის.
- 7.12. მატჩის დელეგატი, მსაჯთა დამკვირვებელი და არბიტრი ვალდებული არიან ყველა ღონე იხმარონ მატჩის ჩასატარებლად, რის შესახებაც მათ უნდა აცნობონ სფფ-ის საშეჯიბრო განყოფილებას.
- 7.13. მატჩის გაგრძელებაზე, გადატანაზე და თარიღის შეცვლაზე

საბოლოო გადაწყვეტილებას იღებს სფფ-ის საშეჯიბრო განყოფილება.

- 7.14. თუ თამაში შეწყდა 7.9., 7.11. ან სხვა პუნქტში ნახსენები მდგომარეობების გამო და იმ დღეს მისი გაგრძელება ვერ მოხერხდა, მატჩი გაგრძელდება მეორე დღეს და იგი განახლდება იმ წუთიდან (ანგარიში, სადისციპლინო სანქციები – წითელი, ყვითელი ბარათი ძალაშია) რომელ ეპიზოდშიც (პენალტი, ჯარიმა, კუთხური, აუტი, სადაო და ა.შ.) შეწყდა მატჩი.

- გაგრძელებულ მატჩში მონაწილეობის უფლება აქვთ მხოლოდ იმ მოთამაშეებს, რომლებიც იმყოფებოდნენ შეწყვეტილი მატჩის ოქმში.

- თუ შეწყვეტილი მატჩის გაგრძელება მეორე დღეს ვერ მოხერხდა, სფფ-ის საშეჯიბრო განყოფილების მიერ დაინიშნება მატჩის გაგრძელების თარიღი. ამ შემთხვევაში:

- თუ შეწყვეტილი მატჩის ოქმში მყოფი მოთამაშე (მწვრთნელი ა.შ.), შეწყვეტილი მატჩის ჩატარებამდე სხვა მატჩში მიიღებს დისკვალიფიკაციას, მას აქვს განახლებულ მატჩში მონაწილეობის უფლება, ხოლო დისკვალიფიკაცია გადავა მომდევნო თამაშებში.

- თუ მოთამაშეს ჯანმრთელობის მდგომარეობის (სავალდებულოა ექიმის ცნობის წარმოდგენა) გამო არ შეუძლია გაგრძელებულ მატჩში მონაწილეობის მიღება, გუნდს აქვს უფლება შეცვალოს იგი შეწყვეტილი მატჩის ოქმში მყოფი სათადარიგო მოთამაშით, რაც არ ჩაითვლება დამატებით ცვლილებად.

- 7.15. მასპინძელი კლუბი, რომლის მინდორზეც ტარდება შეხვედრა, ვალდებულია:

- გამოყოს პასუხისმგებელი პირი (მატჩის მენეჯერი), რომელიც უზრუნველყოფს მსაჯთა, მსაჯთა დამკვირვებლის და დელეგატის უსაფრთხოებას;

- მიაცილოს მსაჯთა ბრიგადა გასახდელიდან მინდვრამდე და მინდვრიდან გასახდელამდე საზოგადოებრივი წესრიგის დამცველ პირთა თანხლებით, ყველანაირად დაიცვას ისინი;

- გამორიცხოს მსაჯთა ოთახში ნებისმიერი პირის შესვლა ან ყოფნა. მსაჯების გარდა, რომლებიც ემსახურებიან მატჩს, ოთახში შესვლის უფლება აქვთ მატჩის დელეგატს, მსაჯთა დამკვირვებელს, სფფ-ის წარმომადგენლებს, რომლებიც

ატარებენ ამ მატჩს და იმ პირებს, რომლებსაც მიიწვევს მსაჯი, მსაჯთა დამკვირვებელი ან მატჩის დელეგატი.

- უზრუნველყოს მატჩის ჩატარება წინამდებარე დებულებით გათვალისწინებული მოთხოვნებით;

- უზრუნველყოს მაყურებელთა და მატჩის მონაწილეთა უსაფრთხოება.

- უზრუნველყოს სტუმართა გუნდის თხოვნა მატჩის ბილეთების შესაძენად (სტადიონის მთლიანი ტევადობის 5 %-ის რაოდენობით) და გამოყოს ცალკე სექტორი სტუმართა გუნდის გულშემატიკერებისათვის.

7.16. მასპინძელი კლუბი ვალდებულია უზრუნველყოს სტადიონი სფფ-ის მიერ დადგენილი მოთხოვნების შესაბამისად:

- საფეხბურთო მოედანი, მინდვრის კარგი ხარისხის საფარით, რომლის შეფასება ხდება სფფ-ის სამეჯიბრო განყოფილების მიერ, საინფორმაციო ტაბლოთი, გასახდელი ორივე გუნდისათვის, რომლებიც მოწყობილია სათანადო რაოდენობის ავეჯით (სკამებით, მაგიდებით, სარკეებით, ტანსაცმლის საკიდით, სამედიცინო ტახტით და სხვა), საფეხბურთო მინდვრის მაკეტით, საშხაპე ცხელი წყლით (არანაკლებ 5 წერტილი) და საპირფარეშოთი;

- სპეციალური ოთახი მსაჯებისათვის, რომელიც მოწყობილია საშხაპეთი, საპირფარეშოთი, აუცილებელი ინვენტარით და დოკუმენტაციით (მატჩის ოქმი), საფეხბურთო მოედნის მაკეტით, ბურთის ასაწონი სასწორით, გვერდითი მსაჯებისათვის სამი კომპლექტი მკვეთრი ფერის დროშებით (ზომა 30X40 სმ, ტარის ზომა 45 სმ, დიამეტრი 15 სმ), ფეხბურთელთა შეცვლების მანიშნებელი ელექტრო ან მექანიკური ტაბლო (კლუბი ვალდებულია იქონიოს სარეზერვო ვარიანტიც მექანიკური ტაბლოს სახით).

- ცალკე ოთახი მატჩის ოქმის გასაფორმებლად, სპეციალურად განკუთვნილი ადგილები ვიპ-ლოჯაში სფფ-ის დელეგატისა და მსაჯთა დამკვირვებლისათვის შესაბამისი აღნიშვნებით;

- ჩაი, მინერალური წყალი მოთამაშეებისათვის, მსაჯების, დელეგატისა და მსაჯთა დამკვირვებლისათვის (მასპინძელი გუნდის ხარჯზე);

- მინიმუმ 17 ადგილი სათადარიგოთა სკამზე – განკუთვნილი გუნდების პერსონალისა და სათადარიგო მოთამაშეთათვის;

- სპეციალური ოთახი – მატჩის შემდგომი პრეს-კონფერენციისათვის.
 - სანიტარული საკაცე, ორი მომსახურე პერსონალით;
 - უზრუნველყოს მატჩის დელეგატისთვის და მსაჯთა დამკვირვებლისთვის შეუფერხებელი მოძრაობა (თამაშამდე, თამაშის დროს, თამაშის შემდეგ);
 - გამოყოს ადგილები ვიპ-ლოუის პირველ რიგში ოფიციალური პირებისათვის და სფფ-ის წარმომადგენლებისათვის;
 - სპეციალურად მოწყობილი ადგილი პრესის მუშაკთათვის, სადაც მკაფიოდ უნდა მიეთითოს ქართულ და ინგლისურ ენებზე წარწერა დაფაზე – „პრესა“;
 - ჟურნალისტებისათვის სამუშაო პირობების შექმნა (უკაბელო ინტერნეტი, უწყვეტი ელექტროენერგიის წყარო, სამუშაო მაგიდა).
- 7.17. მასპინძელი კლუბი ვალდებულია მატჩის მსვლელობის დროს გამორიცხოვს განცხადება რადიოთი მოთამაშეთა რაიმე პრიზებით დაჯილდოვების ან ფულადი პრემიების შესახებ. ამის შესახებ მაყურებელი უნდა იყოს ინფორმირებული მატჩის დაწყებამდე ან დამთავრების შემდეგ. გუნდების შემადგენლობის გამოცხადება უნდა მოხდეს მატჩის დაწყებამდე.
- 7.18. კლუბებს უფლება აქვთ სათამაშო მოედანზე გამართონ ვარჯიში მხოლოდ მატჩის წინა დღეს, წინააღმდეგ შემთხვევაში სფფ-ის სამეჯიბრო განყოფილება უფლებამოსილია, საკითხი განსახილველად გადასცეს სფფ-ის სადისციპლინო და საფეხბურთო დავების განმხილველ კომიტეტს.

8. მსაჯობა

- 8.1. საქართველოს 2022 წლის ჩემპიონატების თამაშებს მოემსახურებიან სფფ-ის მსაჯთა და მსაჯების დამკვირვებელთა განყოფილების მიერ რეკომენდებული და სფფ-ის სამსაჯო კომიტეტის მიერ დამტკიცებული მსაჯები. მსაჯობა ხორციელდება ფეხბურთის თამაშის წესების (2021/2022 წლების გამოცემა) და ფიფას და უეფას სამსაჯო კომიტეტების მიერ გამოცემული ინსტრუქციების და სფფ-ის შესაბამისი დებულების და რეგლამენტის მიხედვით.

- 8.2. მატჩებზე მსაჯების დანიშვნას უზრუნველყოფს და ამტკიცებს სფფ-ის მსაჯთა და მსაჯების დამკვირვებელთა განყოფილება.
- 8.3. ფიფას „რეგლამენტი ეროვნულ ასოციაციებში მსაჯობის ორგანიზების შესახებ“ და უეფას სამსაჯო კონვენციის მოთხოვნათა შესაბამისად დაუშვებელია დანიშვნის პროცესში მთავრობის, კლუბების, ლიგის ან ფედერაციის რომელიმე სხვა ორგანოს (სუბიექტის) მონაწილეობა.
- 8.4. დანიშვნის ოქმი გამოქვეყნდება მატჩამდე (ტურამდე) ერთი დღით ადრე.
- 8.5. მატჩზე მთავარი მსაჯის გამოუცხადებლობის ან მატჩის გაგრძელების შეუძლებლობის შემთხვევაში მის ფუნქციებს ასრულებს:
- ეროვნულ ლიგაში, ეროვნულ ლიგა 2-ში, ლიგა 3-სა და ლიგა 4-ში – სათადარიგო მსაჯი, ხოლო საჭიროების შემთხვევაში ბრიგადის შეიძლება დაემატოს ადგილობრივი მსაჯი, რომელიც უნდა იყოს დამტკიცებული სფფ-ის მსაჯთა და მსაჯების დამკვირვებელთა განყოფილების მიერ.
 - 6-მსაჯიანი ბრიგადის მთავარი მსაჯის გამოუცხადებლობის ან მატჩის გაგრძელების შეუძლებლობის შემთხვევაში მის ფუნქციებს ასრულებს:
 - მსაჯის პირველი დამატებითი ასისტენტი, რომლის ფუნქციასაც შეასრულებს სათადარიგო მსაჯი. ხოლო საჭიროების შემთხვევაში ბრიგადის შეიძლება დაემატოს ადგილობრივი მსაჯი, რომელიც უნდა იყოს დამტკიცებული სფფ-ის მსაჯთა და მსაჯების დამკვირვებელთა განყოფილების მიერ.
- 8.6. მატჩზე მსაჯთა ბრიგადის დაგვიანების ან გამოუცხადებლობის შემთხვევაში, შეხვედრის დელეგატმა (დელეგატის არყოფნის შემთხვევაში მსაჯთა დამკვირვებელმა) ამის შესახებ უნდა აცნობოს სფფ-ის საშეჯიბრო და მსაჯთა და მსაჯების დამკვირვებელთა განყოფილებებს, რის შემდეგაც აღნიშნული სამსახურები მიიღებენ საბოლოო გადანყვეტილებას.
- 8.7. მატჩზე დანიშნული მსაჯთა ბრიგადა ვალდებულია დაესწროს მატჩისწინა თათბირს (ჩატარების შემთხვევაში თამაშამდე საათნახევრით ადრე).
- 8.8. თამაშის დაწყებამდე მსაჯთა ბრიგადა (სფფ-ის დელეგატთან და მსაჯების დამკვირვებელთან ერთად) ვალდებულია

- შეამოწმოს მინდვრის საფარი (ხარისხი, ბალახის სიმაღლე, დახაზვა), კარების კონსტრუქცია და სიმაღლე, კარის ბადეები, კუთხურის ალმები, შეაფასოს ხუთბალიანი სისტემით, რაც უნდა ჩაინეროს მატრის ოქმში. ასევე ვალდებულია, მატრის დაწყებამდე შეამოწმოს სათამაშო ბურთების მდგომარეობა.
- 8.9. თუ გუნდი არ გამოცხადდა დანიშნულ მატჩზე, მსაჯი ვალდებულია დაუყოვნებლივ აცნობოს სფფ-ის საშეჯიბრო და სამსაჯო განყოფილებებს.
- 8.10. მსაჯი ვალდებულია მატრის ოქმში აღნიშნოს მოთამაშეთა გოლები და შეცვლები, გაფრთხილების ან მინდვრიდან გაძევების შემთხვევები დროის ჩვენებით, დანაშაულის ზუსტი განსაზღვრით და ამის შესახებ 24 საათის განმავლობაში სფფ-ის საშეჯიბრო განყოფილებაში წარადგინოს მოხსენებითი ბარათი საკუთარი გადაწყვეტილების დასაბუთებით (მსაჯის მოხსენებით ბარათს თან უნდა ერთვოდეს გაძევებული ფეხბურთელის მონაწილის ბარათი), ხოლო მატრის დროს მომხდარი საგანგებო შემთხვევის შესახებ მსაჯმა იმავე დღეს ტელეფონით უნდა აცნობოს სფფ-ის საშეჯიბრო განყოფილებას და მსაჯთა და მსაჯების დამკვირვებელთა განყოფილებას.
- 8.11. მთავარი მსაჯი ვალდებულია უზრუნველყოს მატრის დაწყებამდე 30 წუთით ადრე მატრის ოქმის გამოგზავნა სფფ-ის მსაჯთა და მსაჯების დამკვირვებელთა განყოფილების ელექტრონულ მისამართზე - refereereports@gff.ge ხოლო დამთავრებიდან 30 წუთში შეავსოს მატრის ოქმი და ასლი გაგზავნოს იმავე მისამართზე. ოქმის ორიგინალი კი 48 საათის განმავლობაში უნდა მიაწოდოს სფფ-ის საშეჯიბრო განყოფილებას. ოქმის შევსების ხარისხზე პასუხისმგებელია მატრის მთავარი მსაჯი.
- 8.12. ექსტრემალური სიტუაციის გამო თამაშის დაწყების ან დაწყებული თამაშის შეწყვეტის ან შეწყვეტილი მატრის გაგრძელების საკითხს წყვეტს მატრის მთავარი მსაჯი დელეგატთან (დელეგატის არყოფნის შემთხვევაში მსაჯთა დამკვირვებელთან) კონსულტაციის შემდეგ.
- 8.13. მსაჯებმა საჭიროების შემთხვევაში მასპინძელ გუნდს უნდა შეატყობინონ ჩასვლის თარიღი, ხოლო მასპინძელმა გუნდმა შეტყობინების საფუძველზე დაჯავშნოს სასტუმრო და უკან

დასაბრუნებელი ბილეთები.

- 8.14. მატრის მომსახურე მსაჯებს უფლება აქვთ მატრის წინა დღეს ივარჯიშონ იმ მოედანზე, სადაც ჩატარდება მატჩი.
- 8.15. მატჩებზე მსაჯების მომსახურების თანხას იხდის სფფ.

9. დელეგატი

- 9.1. ეროვნული ჩემპიონატის ლიგებში მატჩების უკეთ ორგანიზებისა და მატრის მონაწილეთა უსაფრთხოების დაცვის მიზნით, ეროვნული ლიგის, ეროვნული ლიგა 2-ისა და ლიგა 3-ის მატჩებზე (საჭიროების შემთხვევაში სხვა მატჩებზეც) მსაჯთა დამკვირვებელთან ერთად, ინიშნება მატრის დელეგატი.
- 9.2. მატრის დელეგატს ნიშნავს სფფ-ის საშეჯიბრო განყოფილება.
- 9.3. მატრის დელეგატი საჭიროების შემთხვევაში მთავარ მსაჯთან ერთად ატარებს მატრის წინა თათბირს (თამაშამდე საათნახ-ევრით ადრე), რომელსაც აუცილებლად უნდა დაესწროს მსაჯთა დამკვირვებელი, მონაწილე გუნდების წარმომადგენ-ლები, საზოგადოებრივი წესრიგის დაცვის, სამედიცინო, სახ-ანძღო და უსაფრთხოების სამსახურების თანამშრომლები, სტადიონის დირექტორი.
- 9.4. მატრის დელეგატი პასუხისმგებელია მატრის ორგანიზაცია-სთან დაკავშირებული საკითხების კონტროლზე. იგი უს-აფრთხოების საკითხებზე თანამშრომლობს საზოგადოებრივი წესრიგის დაცვის სამსახურის წარმომადგენლებთან და სტა-დიონის დირექტორთან ან სტადიონის პასუხისმგებელ პირ-თან, ასევე მასპინძელი კლუბის შესაბამის სამსახურთან.
- 9.5. თუ გუნდი არ გამოცხადდა დანიშნულ მატჩზე, დელეგატი ვალდებულია დაუყოვნებლივ აცნობოს სფფ-ის საშეჯიბრო განყოფილებას.
- 9.6. მატრის დროს მომხდარი საგანგებო შემთხვევის შესახებ დელეგატმა იმავე დღეს ტელეფონით უნდა აცნობოს სფფ-ის საშეჯიბრო განყოფილებას.
- 9.7. ექსტრემალური სიტუაციის გამო თამაშის დაწყების ან დაწყებული თამაშის შეწყვეტის შემთხვევაში დელეგატი ვალ-დებულია გაიაროს კონსულტაცია მატრის მთავარ მსაჯთან მატრის შეწყვეტის ან შეწყვეტილი მატრის გაგრძელების შეს-ახებ გადაწყვეტილების თაობაზე.

- 9.8. მატჩის წინ დელეგატი ვალდებულია შეამოწმოს მასპინძელი გუნდის მიერ ვიდეოჩანაწერის მომზადების საკითხი და გაუნოს დახმარება სტუმართა გუნდს ვიდეოფირის ჩანერაში. თამაშის შემდეგ მატჩის ვიდეოფირი (DVD) წარმოადგინოს სფფ-ის საშეჯიბრო განყოფილებაში 24 საათის განმავლობაში.
- 9.9. მატჩის დელეგატი ვალდებულია აქტიური მონაწილეობა მიიღოს და გადანყვიტოს თამაშის ჩატარებასთან დაკავშირებული ყველა საკითხი და ნებართვა გასცეს თამაშის ჩატარების შესახებ.
- 9.10. მატჩის დელეგატი ვალდებულია აცნობოს I და II ტაიმების დამთავრებისთანავე მატჩის შედეგი სფფ-ის საშეჯიბრო განყოფილებას, პატაკის ასლი 24 საათის განმავლობაში გაგზავნოს სფფ-ის საშეჯიბრო განყოფილების ელექტრონულ მისამართზე - delegatereports@gff.ge პატაკის ორიგინალი კი ფიზიკურად წარადგინოს 48 საათის განმავლობაში.
- 9.11. მატჩის დელეგატს თანხას უზდის სფფ.
- 9.12. მატჩის დელეგატი ვალდებულია დააფიქსიროს დელეგატის პატაკში პრესკონფერენციის ჩატარება-არჩატარების ფაქტი.

10. მსაჯთა დამკვირვებელი

- 10.1. საქართველოს 2022 წლის ჩემპიონატის ლიგებში მსაჯების დაკვირვებას ახორციელებს სფფ-ის მსაჯთა დამკვირვებელი, რომელიც დამტკიცებული უნდა იყოს სფფ-ის სამსაჯო კომიტეტის მიერ.
- 10.2. მსაჯების დამკვირვებელთა დანიშვნების პროექტს ამზადებს სფფ-ის მსაჯთა და მსაჯების დამკვირვებელთა განყოფილება.
- 10.3. მატჩზე დანიშნული მსაჯთა დამკვირვებელი, რომელიც სხვადასხვა მიზეზის გამო ვერ შეძლებს თამაშზე გამგზავრებას, ვალდებულია ამის შესახებ სასწრაფოდ შეატყობინოს სფფ-ის მსაჯთა და მსაჯების დამკვირვებელთა განყოფილებას.
- 10.4. მსაჯთა დამკვირვებელმა საჭიროების შემთხვევაში მასპინძელ გუნდს უნდა შეატყობინოს ჩასვლის თარიღი, ხოლო მასპინძელმა გუნდმა შეტყობინების საფუძველზე დაუჟავმნოს სასტუმრო და უკან დასაბრუნებელი ბილეთები.
- 10.5. მსაჯთა დამკვირვებელი ვალდებულია მიიღოს მონაწილეობა მატჩის წინა თათბირზე (მატჩის დაწყებამდე საათნახევრით

- ადრე).
- 10.6. მსაჯთა დამკვირვებელი უნდა იყოს მსაჯებთან ერთად მატჩამდე და მატჩის შემდეგ, სტადიონის ტერიტორიის დატოვებამდე. მხოლოდ მსაჯთა დამკვირვებელია პასუხისმგებელი მსაჯების დაკვირვებაზე და შეფასებაზე, მატჩის ორგანიზაციასთან და სხვა დანარჩენ საკითხებთან დაკავშირებით მსაჯთა დამკვირვებელი ემორჩილება მატჩის დელეგატს.
 - 10.7. მსაჯთა დამკვირვებელი ვალდებულია აცნობოს პირველი და მეორე ტაიმების დამთავრებისთანავე მატჩის შედეგი მსაჯთა და მსაჯების დამკვირვებელთა განყოფილებას, ხოლო მსაჯის დამკვირვებლის პატაკი 24 საათის განმავლობაში გაგზავნოს სფფ-ის მსაჯთა და მსაჯების დამკვირვებელთა განყოფილების ელექტრონულ მისამართზე - geo.refereeing@gff.ge
 - 10.8. მატჩებზე მსაჯთა დამკვირვებლის მომსახურების თანხას იხდის სფფ.
 - 10.9. მატჩებზე დელეგატის არყოფნის შემთხვევაში მატჩის დელეგატის ფუნქციებს ითავსებს მსაჯთა დამკვირვებელი.

11. ურთიერთობა მედიასთან

- 11.1. მასპინძელი კლუბი ვალდებულია უზრუნველყოს ტრიბუნის ცენტრალურ ნაწილში გადახურულ ადგილას სპეციალურად მოწყობილი მინიმუმ 10 ადგილი პრესის წარმომადგენელთათვის, სადაც მკაფიოდ უნდა მიეთითოს ქართულ და ინგლისურ ენებზე წარწერა დაფაზე – „პრესა“; შეუქმნას ჟურნალისტებს სამუშაო პირობები (უკაბელო ინტერნეტი, უწყვეტი ელექტროენერგიის წყარო, სამუშაო მაგიდა). მატჩის მნიშვნელობიდან გამომდინარე, ჟურნალისტთა სიჭარბის შემთხვევაში კლუბის მედია-ოფიცერი მაქსიმალურად დააკმაყოფილოს მედიის მოთხოვნები დამატებითი ადგილების მოძიების ხარჯზე, როგორც ეს ხდება საერთაშორისო მატჩების დროს.
- 11.2. მასპინძელი კლუბის მედია-ოფიცერი ვალდებულია მატჩამდე მინიმუმ ერთი დღით ადრე კლუბის ოფიციალურ ვებგვერდზე (ან ფეისბუქის ოფიციალურ გვერდზე) გამოაქვეყნოს მედია-აკრედიტაციის გაცემის პირობები.

- 11.3. მასპინძელი გუნდის მედია-ოფიცერი ვალდებულია უზრუნველყოს მატჩისშემდგომი პრესკონფერენციის ჩატარება.
- 11.4. მასპინძელი კლუბის მედია-ოფიცერი ვალდებულია მატჩისწინა თათბირზე შეატყობინოს მატჩის დელეგატს, სად გაიმართება მატჩისშემდგომი პრესკონფერენცია.
- 11.5. სავალდებულოა ეროვნული ლიგის სატელევიზიო პროექტის ფარგლებში ყოველი მატჩის შემდეგ ფლეშინტერვიუს ჩასაწერად გამოცხადდეს ორივე გუნდის მთავარი მწვრთნელი.
- 11.6. სტადიონზე აუცილებლად უნდა იყოს გამოყოფილი ადგილი ფოტო და ტელერეპორტიორებისათვის. ეს არის სივრცე კარს უკან, პირით ხაზს მიღმა, რომელიც შესაძლოა იყოს გაყოფილი სარეკლამო დაფით.
- 11.7. ჟურნალისტებს კატეგორიულად ეკრძალებათ ფეხბურთელებთან გასახდელში შესვლა.
- 11.8. მასპინძელი კლუბის პრესსამსახური ვალდებულია პირველ რიგში მატჩის დელეგატს ან/და მსაჯთა დამკვირვებელს მატჩის დაწყებამდე მინიმუმ ერთი საათით ადრე წარუდგინოს გუნდის დანომრილი შემადგენლობა (ტაქტიკური განლაგებითურთ) ლიგის ოფიციალურ ვებგვერდზე განსათავსებლად. ასევე მატჩის დელეგატს ან/და მსაჯთა დამკვირვებელსა და ჟურნალისტებს თამაშის დაწყებამდე მინიმუმ 15 წუთით ადრე წარუდგინოს მატჩის ოქმის ასლი, წინააღმდეგ შემთხვევაში, კლუბი დაჯარიმდება სადისციპლინო კოდექსის შესაბამისად. კლუბის მედია-ოფიცერი ასევე ვალდებულია მატჩის ოქმით დააკმაყოფილოს ვიპ-ლოჯაში მსხდომი სტუმრები და მატჩზე დასწრების შემთხვევაში - საფეხბურთო სკაუტები.
- 11.9. მასპინძელი კლუბი ვალდებულია მოამზადოს მატჩის შემდგომი კომენტარების ჩასაწერი ადგილი (1. ელვა ინტერვიუსთვის - მინდვრის კიდეებთან, 2. მატჩის შემდგომი ინტერვიუსთვის - შერეული ზონაში), სადაც განთავსებული იქნება სფფ-ის ფლემ-ბანერი სპონსორების ლოგოებით. ამ წესის დარღვევის შემთხვევაში კლუბი დაჯარიმდება სადისციპლინო კოდექსის შესაბამისად.
- 11.10. მასპინძელი კლუბის პრეს-სამსახური ვალდებულია მედიის მოთხოვნით უზრუნველყოს მატჩის შემდგომი ნებისმიერი სატელევიზიო კომენტარის ჩაწერა სფფ-ის ფლემ-ბანერის

ფონზე. დარღვევის შემთხვევაში კლუბი დაჯარიმდება სადისციპლინო კოდექსის შესაბამისად.

- 11.11. მასპინძელი კლუბი ვალდებულია მატჩის შესვენებაზე უზრუნველყოს მედიის წარმომადგენლები და სკაუტები სასმელებით: წყალი/ჩაი/ყავა.

12. დაჯილდოება

- 12.1. საქართველოს ჩემპიონატში ეროვნული ლიგის გამარჯვებულ გუნდს ენიჭება საქართველოს ჩემპიონის წოდება და ჯილდოვდება ჩემპიონის გარდამავალი ფარით.

საქართველოს 2022 წლის დავით ყიფიანის სახელობის თასის XXXIII გათამაშება

1. საქართველოს 2022 წლის დავით ყიფიანის სახელობის თასის XXXIII გათამაშებაში სავალდებულოა ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის ყველა გუნდის, ასევე რეგიონული ლიგის იმ გუნდების მონაწილეობა, რომლებიც ფინანსდებიან ქართული ფეხბურთის განვითარების ფონდის მიერ.
2. საქართველოს თასის გათამაშებაში მონაწილეობა ხდება ჩემპიონატში წარმოდგენილი გუნდის განაცხადის შესაბამისად, ასევე გათამაშების მატჩებს ეხება ჩემპიონატის დებულების ყველა ის მუხლი, რომელიც შესაბამისობაში შეიძლება იყოს თასის გათამაშებასთან.
3. საქართველოს თასის გათამაშება შედგება 8 ეტაპისგან -პირველი,მეორე,მესამე, მეთექვსმეტედფინალური, მერვედფინალური, მეოთხედფინალური, ნახევარფინალური და ფინალური. თითოეულ ეტაპზე გამარჯვებული გუნდი ვლინდება ერთმატიჩიანი დაპირისპირებით.
ყველა ეტაპზე, როცა წილისყრის შედეგად რანგით დაბალი ლიგის გუნდი ხვდება რანგით მაღალი ლიგის გუნდს, მასპინძელი იქნება რანგით დაბალი ლიგის გუნდი. თასის გათამაშების ყველა ეტაპზე მასპინძელ გუნდს (გარდა ეროვნული ლიგის და ეროვნული ლიგა 2-ის გუნდებისა) მხოლოდ იმ ლიგის ან ერთი რანგით დაბალი ლიგის სტადიონზე აქვს მატჩის ჩატარების უფლება, რომელიც დაშვებულია მეტოქე გუნდის ლიგაში, ხოლო ეროვნული ლიგის და ეროვნული ლიგა 2-ის წარმომადგენელ კლუბებს შეუძლიათ მეტოქეს უმასპინძლონ ისეთ სტადიონზე, რომელიც დაშვებულია იმ ლიგაში, რომელსაც თავად წარმომადგენენ. როცა ერთი და იგივე ლიგის წარმომადგენლები შეადგენენ წყვილს, მატჩის მასპინძელი ხდება ის გუნდი რომელიც ბრმა წილისყრისას ვლინდება პირველად.
4. საქართველოს თასის 2022 წლის გათამაშებაში მონაწილეობს 2021 წლის მოყვარულთა ლიგის ჩემპიონი,2022 წლის რეგიონული ლიგის 28 გუნდი (ქფგ ფონდის მიერ დაფინანსებული), ასევე ლიგა 4-ის, ლიგა 3-ის, ეროვნულ ლიგა 2-ისა და ეროვნულ ლიგის ყველა გუნდი.
 - გათამაშების პირველ ეტაპზე მონაწილეობას მიიღებენ რე-

გიონული ლიგის 25 გუნდი და მოყვარულთა ლიგის ჩემპიონი, გუნდები ბრმა წილისყრით შეადგენენ 13 წყვილს.

- გათამაშების მეორე ეტაპზე მონაწილეობას მიიღებს თასის გათამაშების პირველი ეტაპის 13 გამარჯვებული გუნდი, 2021 წლის ლიგა 4-ის ქვედა ჯგუფის მე-7, მე-8, მე-9 ადგილზე გასული სამი გუნდი, 2022 წლის ლიგა 4-ის გათამაშების მონაწილე 16 გუნდი, 2022 წლის ლიგა 3-ის მონაწილე 16 გუნდი ბრმა წილისყრით შეადგენს 24 წყვილს.

- გათამაშების მესამე ეტაპზე მონაწილეობას მიიღებს თასის გათამაშების მეორე ეტაპის 24 გამარჯვებული გუნდი და ბრმა წილისყრით შეადგენს 12 წყვილს.

- საქართველოს თასის გათამაშების მეთექვსმეტედფინალში მესამე ეტაპის გამარჯვებულ 12 გუნდს დაემატება ეროვნული ლიგისა და ეროვნული ლიგა 2-ის 20 გუნდი. 32 გუნდი დაწყვილდება ბრმა წილისყრით და გამოავლენს 16 მერვედფინალისტს.

- საქართველოს თასის გათამაშების მერვედფინალურ ეტაპზე მონაწილეობს მეთექვსმეტედფინალის 16 გამარჯვებული. მერვედფინალში გუნდები დაწყვილდებიან ბრმა წილისყრით.

- საქართველოს თასის გათამაშების მეოთხედფინალურ ეტაპზე მონაწილეობს მერვედფინალური ეტაპის 8 გამარჯვებული. მეოთხედფინალურ ეტაპზე გუნდები დაწყვილდებიან ბრმა წილისყრით.

- საქართველოს თასის გათამაშების ნახევარფინალურ ეტაპზე მონაწილეობს მეოთხედფინალური ეტაპის 4 გამარჯვებული. ნახევარფინალურ ეტაპზე გუნდები დაწყვილდებიან ბრმა წილისყრით (პირველად შედგენილი ნახევარფინალური წყვილის გამარჯვებული პირობითი მასპინძელი იქნება თასის ფინალურ მატჩში).

- საქართველოს თასის ფინალში მონაწილეობს ნახევარფინალური ეტაპის 2 გამარჯვებული. ფინალი გაიმართება სფფის მიერ არჩეულ ნეიტრალურ სტადიონზე.

- საქართველოს თასის ნებისმიერ ეტაპზე, თუ რომელიმე გუნდი წილისყრისას დარჩება მეტოქის გარეშე, ის ავტომატურად მოიპოვებს შემდეგი ეტაპის საგზურს.

5. თასის გათამაშების ყველა ეტაპზე ფრედ დამთავრების შემთხვევაში დაინიშნება დამატებითი ორი 15-წუთიანი ტაიმი. იმ შემთხვევაში, თუ დამატებით დროში არ გამოვლინდა გამარჯვებული, დაინიშნება 11-მეტრიანი საჯარიმო დარტყმები

(ფიფას წესებით).

6. თასის გათამაშების ფინალამდე ძირითადი გუნდი არ შეიძლება შეუნწყვილდეს საკუთარ ფარმ-გუნდს.
7. თასის ფინალური შეხვედრის თარიღს და ჩატარების ადგილს დაადგენს სფფ-ის საშეჯიბრო განყოფილება.
8. ეროვნული ლიგის, ეროვნული ლიგა 2-ის, ლიგა 3-ისა და ლიგა 4-ის კლუბებს უფლება აქვთ ჩემპიონატის ნებისმიერი მატჩის ოქმში შეიყვანონ თავისი ფარმ-გუნდიდან და ასაკობრივი ლიგებიდან 20 მოთამაშე, ხოლო ფარმ-გუნდს შეუძლია ნებისმიერი მატჩის ოქმში შეიყვანოს ძირითადი გუნდის მხოლოდ 2 მოთამაშე და ასაკობრივი ლიგის მონაწილე გუნდების მოთამაშეები განუსაზღვრელი რაოდენობით. ლიგა 3-ში მონაწილე ფარმ-გუნდის მატჩის განაცხადში დასაშვებია მაქსიმუმ ორი ლეგიონერის შეყვანა.

ეროვნული ლიგის, ეროვნული ლიგა 2-ის, ლიგა 3-ის, ლიგა 4-ის და რეგიონული ლიგის გუნდებს უფლება აქვთ საქართველოს თასის გათამაშების ნებისმიერი მატჩის ოქმში შეიყვანონ ოც-ოცი მოთამაშე.

ამასთანავე, თასის გათამაშების ერთსა და იმავე ეტაპზე მოთამაშეს მონაწილეობის უფლება აქვს მხოლოდ ერთ მატჩში (ძირითადი გუნდის ან ფარმ-გუნდის შემადგენლობაში).

9. საქართველოს თასის მატჩებში ნებადართულია ხუთ-ხუთი მოთამაშის შეცვლა სამი შეჩერებით. მხოლოდ მატჩის ძირითადი დროის ტაიმებს შორის შესვენებაზე განხორციელებული ცვლილება არ ითვლება შეჩერებად. მატჩის ნებისმიერი მიზეზით შეწყვეტის დროს (ტრავმა, უამინდობა, უწესრიგობები მოედანზე ან ტრიბუნაზე, განათების სისტემის გაუმართაობა და ა.შ), განხორციელებული ცვლილება ითვლება შეჩერებად. დამატებითი დროის დანიშვნა არ ანიჭებს გუნდებს მეოთხე შეჩერების გამოყენების უფლებას.
10. ფინალურ მატჩამდე მიღებული ყვითელი ბარათები არ იმოქმედებს ფინალურ მატჩზე.
11. საქართველოს თასის გათამაშებაში მონაწილეობაზე უარის თქმის ან თამაშზე გამოუცხადებლობის შემთხვევაში გუნდი მოიხსნება თასის გათამაშებიდან, ხოლო მისი საკითხი დამატებით განსახილველად გადაეცემა სფფ-ის სადისციპლინო და საფეხბურთო დავების განმხილველ კომიტეტს.
12. საქართველოს 2022 წლის თასის მფლობელი ჯილდოვდება

- გარდამავალი თასით.
13. ფინალურ შეხვედრაზე სავალდებულოა შესრულდეს საქართველოს ჰიმნი.
 14. საქართველოს დავით ყიფიანის სახელობის თასის გათამაშების გამარჯვებული გუნდი ავტომატურად მოიპოვებს უეფას კონფერენციის ლიგის საგზურს, გარდა იმ შემთხვევისა, როცა თასის გათამაშების გამარჯვებული ხდება ჩემპიონი. ასეთ დროს უეფას კონფერენციის ლიგის საგზური გადაეცემა ეროვნული ლიგის მეოთხე ადგილზე გასულ გუნდს. იმ შემთხვევაშიც, თუ თასის გამარჯვებული ხდება ეროვნულ ლიგაში მეორე ან მესამე ადგილზე გასული გუნდი, უეფას კონფერენს ლიგის საგზური გადაეცემა ეროვნული ლიგის მეოთხე ადგილზე გასულ გუნდს.
 15. თუ თასის მფლობელი ხდება ფარმ-გუნდი, უეფას კონფერენციის ლიგის საგზური გადაეცემა იმ კლუბის ძირითად გუნდს, რომელსაც წარმოადგენს ფარმ-გუნდი.
 16. როცა საქართველოს თასის გამარჯვებული ხდება ისეთი გუნდი, რომელიც ვერ მოიპოვებს უეფას ლიცენზიას, კონფერენციის ლიგის გათამაშების საგზური გადაეცემა ეროვნული ლიგის მეოთხე ადგილზე გასულ გუნდს.

საქართველოს სუპერთასი

2023 წლის საქართველოს სუპერთასის მატჩში მონაწილეობას იღებს 2022 წლის საფეხბურთო სეზონის ჩემპიონი და თასის მფლობელი. იმ შემთხვევაში, თუ რომელიმე გუნდი გაიმარჯვებს ორივე გათამაშებაში, სუპერთასის მატჩში ჩემპიონს დაუპირისპირდება ვიცე-ჩემპიონი.

- სუპერთასის მატჩამდე მიღებული ყვითელი და წითელი ბარათები არ მოქმედებს სუპერთასის მატჩზე. სუპერთასის მატჩი მოთამაშეს/მწვრთნელს არ ეთვლება სასჯელის მოხდაში.
- სუპერთასის მატჩის დროს მიღებული მხოლოდ წითელი ბარათები გადადის ჩემპიონატისა და თასის გათამაშებაში.
- სუპერთასის მატჩის ძირითადი დროის ფრედ დამთავრების შემთხვევაში, დაინიშნება 11-მეტრიანი საჯარიმო დარტყმები.
- 2023 წლის სუპერთასის მატჩის ჩატარების დროს და

ადგილს განსაზღვრავს სფფ-ის საშეჯიბრო განყოფილება.

- 2023 წლის სუპერთასის მატჩის პირობითი მასპინძელი იქნება 2022 წლის ეროვნული ლიგის ჩემპიონი.

სფფ-ის სადისციპლინო სამსახური

საქართველოს ეროვნული ჩემპიონატის ეროვნულ ლიგაში, ეროვნულ ლიგა 2-ში, ლიგა 3-ში, ლიგა 4-ში, რეგიონულ ლიგაში, ასაკობრივ ლიგებსა და ასევე საქართველოს დავით ყიფიანის სახელობის თასის და საქართველოს სუპერთასის გათამაშების მატჩებისას მომხდარ დისციპლინარულ დარღვევებს:

4 მატჩამდე ან 1 თვემდე დისკვალიფიკაციას, კლუბებისთვის — 5 000 ლარამდე ჯარიმებს, ფიზიკური პირებისთვის — 3 000 ლარამდე ჯარიმებს, რომლებიც სფფ-ის სადისციპლინო კოდექსის მიხედვით არ ექვემდებარებიან გასაჩივრებას, განიხილავს სფფ-ის სადისციპლინო სამსახური.

მოთხოვნები ეროვნული ლიგის, ეროვნული ლიგა 2-ის, ლიგა 3-ის და ლიგა 4-ის კლუბების სტადიონებისადმი

პრემბულა

ქვემოთ ჩამოთვლილი მოთხოვნები ინფრასტრუქტურის მიმართ სიმკაცრის მიხედვით იყოფა 3 თანრიგად:

A: სავალდებულო — ამ თანრიგის მოთხოვნების შეუსრულებლობის შემთხვევაში სტადიონზე თამაში არ ჩატარდება.

B: აუცილებელი — ამ თანრიგის მოთხოვნების შეუსრულებლობამ, შესაძლოა, არ გამოიწვიოს ავტომატური უარი სტადიონზე მატჩების ჩატარების შესახებ, თუმცა კლუბს დაუწესდება სფფ-ის სადისციპლინო კოდექსით განსაზღვრული ფინანსური სანქცია.

C: გასათვალისწინებელი — ამ თანრიგის მოთხოვნების შეუსრულებლობა არ გამოიწვევს ავტომატურად ფინანსურ სანქციებს, თუმცა ისინი უნდა იქნეს მაქსიმალურიად გათვალისწინებული სტადიონების მშენებლობის, რეკონსტრუქციის თუ დაგეგმვის პროცესში, რადგან მომავალში, შესაძლოა, მოთხოვნა გამკაცრდეს და გახდეს უფრო მაღალი თანრიგის.

კრიტერიუმები

პარაგრაფი 1 / A — უსაფრთხოების სერტიფიკატი

1. სტადიონის გამოყენების საკითხის განხილვა შესაძლებელია მხოლოდ მისი სტრუქტურისა და ტექნიკური პირობების საერთაშორისო თუ ადგილობრივი კანონმდებლობით განსაზღვრულ უსაფრთხოების ნორმებთან, კანონებთან და სხვა ნორმატიულ დოკუმენტებსა თუ ინსტრუქციებთან შესაბამისობის შემთხვევაში. ამ მიზნით, სტადიონს უნდა გააჩნდეს უსაფრთხოების სერტიფიკატი, რომელიც გაცემული იქნება ადგილობრივი მუნიციპალიტეტის მიერ (გაცემის თარიღისა და ადგილის, ასევე მისი გამცემი ორგანოს, ხელმოწერი პირის თანამდებობისა და ვინაობის მითითებით).
2. სტადიონის უსაფრთხოების სერტიფიკატს გასცემს ადგილობრივი მუნიციპალური ორგანო, საქართველოში მოქმედი ნორმების შესაბამისი უფლების მქონე საჯარო ორგანოების (კომპანიების) მიერ აღნიშნული სტადიონის ინსპექტირების აქტების საფუძველზე ვადით არაუმეტეს 12 თვისა.

3. უსაფრთხოების სერტიფიკატი უნდა მოიცავდეს ინფორმაციას შემდეგზე:

- სტადიონის დასახელება და მისამართი
- სტადიონის მფლობელის დასახელება და მისამართი
- დამტკიცებული ტევადობა (გადახურვის ქვეშ ადგილების მითითებით)
- სტადიონის კონსტრუქციის უსაფრთხოება
- სახანძრო უსაფრთხოება
- ელექტრონული და მექანიკური მოწყობილობების უსაფრთხოება
- სამედიცინო სათავსოების შესაბამისობა ჯანდაცვის მოთხოვნებთან.
- განათება
- სათადარიგო გენერატორის სიმძლავრე
- სანიტარული მდგომარეობა
- საევაკუაციო კონცეფცია
- მაყურებელთა განთავსება
- მაყურებელთა მოძრაობის ზონების შესაბამისობა უსაფრთხოების ნორმებთან.

სერტიფიკატში უნდა იყოს მითითებული შემომწმელები ორგანოს დასახელება, შემომწმების თარიღი და შენიშვნები(თუკი არსებობს)

პარაგრაფი 2 /B — უსაფრთხოებისა და წესრიგის უზრუნველყოფის სტრატეგია

1. სტადიონზე უნდა იყოს უზრუნველყოფილი უსაფრთხოება და წესრიგი. აქედან გამომდინარე, უსაფრთხოების სერტიფიკატს თან უნდა ერთვოდეს სტადიონის გეგმა, აგრეთვე გეგმა მიმდებარე ტერიტორიების ჩვენებით, საევაკუაციო გეგმა, სტადიონზე უსაფრთხოების უზრუნველყოფის სტრატეგია და სტადიონზე ქცევის წესები.
2. უსაფრთხოებისა და წესრიგის უზრუნველყოფის სტრატეგია უნდა მოიცავდეს საფეხბურთო მატჩის ორგანიზების ყველა ასპექტს, როგორც არის ბილეთების განაწილების სისტემა, მაყურებელთა შემოწმება, მოწინააღმდეგე გუნდების ქომაგთა გამოყოფის სტრატეგია, ხალხის ნაკადის დაშლის სტრატეგია, სამედიცინო მომსახურება, ხანძრის, ელექტროენერგიის გათიშვის ან ნებისმიერ სხვა საგანგებო სიტუაციაში გასათარებელი ღონისძიებები.
3. სფფ-ში უნდა იქნეს წარმოდგენილი სტადიონის გეგმა, რომელზეც მითითებული იქნება წინამდებარე დებულების ინფრასტრუქტურული მოთხოვნებით გათვალისწინებული ყველა არსებული ობიექტი/სათავსო (მაგ., გასახდელები, ავტოსადგომები, საპატიო სტუმართა ზონები და სხვ.).
4. ამას გარდა, უნდა იყოს წარმოდგენილი სათანადო საჯარო

ორგანოების მიერ დამტკიცებული საევაკუაციო გეგმა. ევაკუაციის გეგმის მიხედვით, უზრუნველყოფილი უნდა იყოს მთელი სტადიონის დაცლა საგანგებო მდგომარეობის შემთხვევაში, მოქმედი ეროვნული კანონის შესაბამისად.

5. მაყურებელთა უსაფრთხოებისა და ადვილად ორიენტირების მიზნით, სტადიონზე სათანადოდ უნდა იყოს მითითებული წინამდებარე დებულებით განსაზღვრული ყველა ობიექტი (საერთაშორისო მატჩებისთვის განკუთვნილ სტადიონებზე უნდა გაკეთდეს ორენოვანი — ქართულ-ინგლისური ნარწერები). ასევე უნდა გაკეთდეს საერთაშორისო გასაგები მიმითებლები და პიქტოგრამები (მაგ., საევაკუაციო გასასვლელები, სამედიცინო პუნქტისა და საპირფარეოსკენ მიმართულების მაჩვენებლები და სხვ.).
6. იმისთვის, რომ მოხდეს მინდორზე და სტადიონის სხვა ტერიტორიაზე მყოფი პირების მეხისგან განმუხტვა, სტადიონი აღჭურვილი უნდა იყოს შესაბამისი უსაფრთხოების მონყობილობით (მეხამრიდით), რაც დადასტურებული იქნება შესაბამისი დოკუმენტით.
7. მნიშვნელოვანია, რომ ღონისძიების ორგანიზატორებს და უსაფრთხოებაზე პასუხისმგებელ კომპეტენტურ ორგანოებს შეეძლოს მაყურებლებთან დაკავშირება როგორც სტადიონის შიგნით, ისე მის გარეთ შეტყობინების საკმარისად მძლავრი და სანდო სისტემის, ტაბლოს და/ან ვიდეო ეკრანის საშუალებით.
8. სტადიონზე რამდენიმე თვალსაჩინო ადგილას უნდა განთავსდეს სათანადოდ დამტკიცებული ქცევის წესები და გაკონტროლდეს მისი დაცვა.

პარაგრაფი 3 /B/ A — სათამაშო მოედანი - ზომები

1. (B) სათამაშო მოედანი უნდა იყოს 105მ. სიგრძის და 68მ. სიგანის.
2. (A) თუ არ კმაყოფილდება ზემოთ 3.1 პირობა, სავალდებულოა დაცული იყოს შემდეგი ზღვრები:
 - სიგრძე: 95მ.-105მ.
 - სიგანე: 60მ.-68მ.
3. (B) სათამაშო მოედანი უნდა იყოს აღჭურვილი დანრეტის სისტემით, რათა არ გახდეს სათამაშოდ გამოუსადეგარი დატბორვის გამო.
4. (B) ამას გარდა, უსაფრთხოების მიზნით, მანძილი გვერდითი და კარის ხაზებიდან მოედნის შემოღობვამდე უნდა აკმაყოფილებდეს შემდეგ ზომებსა და მოთხოვნებს:
 - მანძილი გვერდითი ხაზიდან შემოღობვამდე: 6მ.
 - მანძილი კარის ხაზიდან შემოღობვამდე: 7,5მ.
 - მანძილი სარეკლამო დაფებამდე: გვერდითი ხაზებიდან — მინ. 4 მ., კარის ხაზს უკან — 3 მ. (კუთხეებთან), 5 მ. (ცენტრ-

ში) მოთხოვნის შეუსრულებლობის შემთხვევაში, კლუბმა წერილობითი ფორმით უნდა წარმოადგინოს პასუხისმგებლობის აღება ფეხბურთელების თუ სხვა პირთათვის უსაფრთხოების უზრუნველყოფაზე.

პარაგრაფი 4 /A — სათამაშო მოედანი - საფარი

1. სათამაშო მოედანზე უნდა იყოს ბუნებრივი (ეროვნული ლიგა) ან ხელოვნური საფარი.
2. სათამაშო მოედანი უნდა იყოს სწორი, თანაბარი და სათამაშოდ ვარგისი სხვადასხვა მეტეოროლოგიურ პირობებში. ის უნდა იყოს სათანადოდ მოვლილი სეზონის განმავლობაში.

პარაგრაფი 5 /A — კარები და სათადარიგო კარი

1. კარის ძელებს შორის მანძილი უნდა იყოს 7,32მ., ხოლო მანძილი ხარიხას ქვედა კიდიდან მიწამდე: 2,44მ.
2. კარის ძელები და ხარიხა უნდა იყოს დამზადებული ალუმინის ან მსგავსი მასალისგან, მრგვალი ან ელიფსური ფორმის, 120 მმ დიამეტრის, თეთრი ფერის და არ წარმოადგენდეს საფრთხეს მოთამაშეებისთვის.
3. სტადიონის ტერიტორიაზე უნდა არსებობდეს სტანდარტული ზომის სათადარიგო კარი, რომელიც შეიძლება ადვილად დამონტაჟდეს, თუკი გარემოებები ამას მოითხოვს.

პარაგრაფი 6 /B — სათადარიგოთა სკამი და ტექნიკური ზონა და პერიმეტრი

1. სტადიონი უნდა იყოს აღჭურვილი გადახურული და კარგ მდგომარეობაში მყოფი სათადარიგოთა 2 სკამით მოედნის დონეზე ან უფრო მაღლა, რომლებიც აკმაყოფილებენ შემდეგ მოთხოვნებს:
 - ადგილების რაოდენობა: 14-14
 - მანძილი გვერდითი ხაზიდან: მინ. 3მ.
 - ურთიერთდამორება: 10მ., ზუსტად 5-5მ. შუახაზის ორივე მხარეს
2. ტექნიკური ზონა უნდა იყოს მითითებული სათანადოდ: 1მ-ით დაცილებული გვერდითი ხაზიდან და 1მ. მანძილზე სათადარიგოთა სკამების გვერდებიდან.
3. მოედნის პერიმეტრზე კი, მინიმუმ სამი მხრიდან, განლაგდეს 40 ცალი სარეკლამო დაფა 90 გრადუსიანი დახრით, ზომებით 1მX6მ.

პარაგრაფი 7 / B — მოთელვის ზონა

1. სათადარიგოთა ფეხბურთელთათვის უნდა არსებობდეს მოთელვის

ადგილი გვერდითი ხაზების გასწვრივ ან კარს უკან განთავსებულ სარეკლამო დაფებს მიღმა.

პარაგრაფი 8 / C — ალმები

1. სტადიონი უნდა იყოს აღჭურვილი მინიმუმ 3 ძელით ალმებისთვის ან სხვა სახის საშუალებით სტადიონზე ალმების აღსამართად.

პარაგრაფი 9 — გასახდელები

9.1. / B — ფეხბურთელების გასახდელი

1. სტადიონზე უნდა იყოს მინ. 2 გასახდელი გუნდებისთვის, რომელთაგან თითოეული უნდა აკმაყოფილებდეს შემდეგ მოთხოვნებს:
 - ადგილების რაოდენობა/ფართი: 23 (საკიდით) / მინიმუმ 50 კვ.მ.
 - ტუალეტები: 2
 - ნიჟარა ცივი/ცხელი წყლით: 1
 - საშხაპეები: 5
 - ტაქტიკური დაფა: 1
 - სანერი მაგიდა: 1
 - სამასაჟო მაგიდა: 1

9.2. / B — მსაჯების გასახდელი

1. 1. სტადიონზე უნდა იყოს მინ. 1 გასახდელი მსაჯებისთვის, რომელიც აკმაყოფილებს შემდეგ მოთხოვნებს:
 - ადგილების რაოდენობა / ფართი: 6 სკამი (საკიდით) / მინიმუმ 20 კვ.მ.
 - ტუალეტები: 1
 - ნიჟარა ცივი/ცხელი წყლით: 1
 - საშხაპეები: 1
 - ტაქტიკური დაფა: 1
 - სანერი მაგიდა: 1
 - სამასაჟო მაგიდა: 1

9.3. / B — გასახდელების მდებარეობა და უსაფრთხოება

1. მსაჯების გასახდელი უნდა იყოს ფეხბურთელთა გასახდელების უშუალო სიახლოვეს (რეკომენდებულია, მათ შორის).
2. სტადიონებზე გუნდებისა და მსაჯების უსაფრთხოების მიზნით, უნდა იყოს უზრუნველყოფილი პირდაპირი, მხოლოდ მათთვის განკუთვნილი და დაცული მისასვლელი გასახდელებიდან სათამაშო

მოედანზე და, აგრეთვე, სტადიონზე უსაფრთხო მისვლა/დატოვება.
პარაგრაფი 10 / B — დელეგატის ოთახი

1. სტადიონზე უნდა იყოს მინიმუმ 15 კვ.მ. ფართის მქონე დელეგატის ოთახი, აღჭურვილი მაგიდით, სკამებით, საკომუნიკაციო საშუალებებით (ტელეფონი, ფაქსი, კომპიუტერი, ინტერნეტით) და მდებარეობდეს გუნდების და მსაჯთა გასახდელბთან უშუალო სიახლოვეს, მათთან ადვილად მისასვლელით.

პარაგრაფი 11 / B — პირველადი დახმარებისა და მკურნალობის საშუალებები მოთამაშეთა და ოფიციალურ პირთათვის

1. სტადიონებზე უნდა იყოს მოთამაშეთა და ოფიციალურ პირთა პირველადი სამედიცინო დახმარებისა და სამედიცინო მკურნალობისთვის განკუთვნილი მინ. 1 ოთახი, რომელიც აკმაყოფილებს ჯანდაცვის ადგილობრივი ორგანოების მოთხოვნებს.

პარაგრაფი 12 / C — განათება

1. საღამოს საათებში მატჩების ჩატარების უზრუნველსაყოფად, სტადიონზე უნდა იყოს დამონტაჟებული განათების სისტემა მინ. 500 ლუქსი ($E_3(Ix)$) განათებულობით, რაც უნდა დასტურდებოდეს შესაბამისი სერტიფიკატით.

პარაგრაფი 13 / B — ავტომატების სადგომები

1. სტადიონზე უნდა იყოს უზრუნველყოფილი სათანადოდ აღნიშნული (დახაზული) და მაჩვენებლებით მითითებული შემდეგი რაოდენობის ავტოსადგომების ადგილები:
 - გუნდებისა და ოფიციალურ პირთა 2 ავტობუსისთვის
 - გუნდებისა და ოფიციალურ პირთა 10 მსუბუქი მანქანისთვის
 - საპატიო სტუმართა (VIP) 20 მსუბუქი მანქანისთვის დაცულ და უსაფრთხო ზონაში

პარაგრაფი 14 / B / C — ტრიბუნები და მაყურებელთა სათავსოები

1. (B) სტადიონზე უნდა იყოს მხოლოდ ინდივიდუალური, მყარად ფიქსირებული, ერთმანეთისგან გამოცალკევებული, საჭირო ფორმის, დანომრილი, არაადვილად მტვრევადი/აალებადი მასალისგან დამზადებული დასაჯდომი ადგილები, რომელთაც უნდა გააჩნდეს დასაჯდომიდან მინიმუმ 30სმ. სიმაღლის საზურგე.
2. (B) ნებისმიერი სახის გრძელ ხის სკამებზე დაჯდომა აკრძალულია, ისინი არ შედის სტადიონის ტევადობაში და ასეთი ზონები მატჩის

- დროს უნდა დაიკეტოს.
3. (C) სტადიონი უნდა იყოს აღჭურვილი კვების და მომარაგების წერტილებით, რომელიც ხელმისაწვდომი იქნება სტადიონის ყველა სექტორის მაყურებლისთვის.

პარაგრაფი 15 / B — მაყურებელთა ტევადობა

1. მაყურებელთა ტევადობის თვალსაზრისით, სტადიონზე უნდა იყოს მინ. 400 ინდივიდუალური ადგილი, ეროვნულ ლიგა 2-ში 200
2. უნდა იყოს გადახურული, მინიმუმ, საპატიო სტუმართა და მას-მედიის ადგილები:
 - 10 - მაღალი რანგის სტუმართათვის
 - 20 - საპატიო სტუმართათვის, მათ შორის, 10 - სტუმარი გუნდისთვისეს ადგილები უნდა მდებარეობდეს მთავარ ტრიბუნაზე და საჯარო მომედნებს შორის, შუახაზთან რაც შეიძლება ახლოს.
3. საერთო ტევადობა და გადახურვის ქვეშ ადგილების რაოდენობა დამტკიცებული უნდა იყოს კომპეტენტური ადგილობრივი ორგანოების მიერ და მიეთითოს უსაფრთხოების სერტიფიკატში.

პარაგრაფი 16 / B — სტუმარი მაყურებლები

1. სტადიონის მთლიანი ტევადობის სულ ცოტა 5% უნდა იყოს განსაზღვრული სტუმარი მაყურებლებისთვის, სტადიონზე საგანგებოდ გამოყოფილ ადგილას.

პარაგრაფი 17 / C — მაყურებელთა შესვლა და გამოსვლა

1. სტადიონზე მაყურებელთა შესვლა/გამოსვლა და ტერიტორიაზე ყოფნა უნდა იყოს უსაფრთხო და აკმაყოფილებდეს შემდეგ მოთხოვნებს:
 - შესასვლელი ჭიშკრები და/ან ტურნიკეტები ისე უნდა იყოს მოწყობილი, რომ თავიდან იქნეს აცილებული ჭყლეტა და უზრუნველყოს მასების ნაკადის ნორმალური შესვლა.
 - საზოგადოებრივი დანიშნულების ყველა გასასვლელი და კიბე მაყურებელთა ზონაში უნდა იყოს შეფერილი მკვეთრ ფერებში ისევე, როგორც მაყურებელთა ზონიდან სათამაშო მოედანზე და სტადიონიდან გარეთ გასასვლელი ყოველი კარი და ჭიშკარი.
 - სტადიონზე არსებული და აგრეთვე მაყურებელთა ზონიდან სათამაშო მოედანზე გასასვლელი ყოველი კარი და ჭიშკარი:
 - ◆ უნდა იყოს აღჭურვილი ისეთი ჩამკეტი მოწყობილობით, რომელიც ნებისმიერს შეუძლია, გასასვლელი კარებისა და ჭიშკრების შემთხვევაში, იოლად და სწრაფად გახსნას ში-

გნიდან, ხოლო, სათამაშო მოედანზე გასასვლელი კარების შემთხვევაში, როგორც შიგნიდან, ისე გარედან;

- ◆ უნდა იყოს ისე მოწყობილი, რომ ჩაუყეტავი დარჩეს, სანამ მაყურებლები სტადიონზე არიან.
- სტადიონზე მისასვლელეები უნდა იყოს მითითებული სათანადოდ (მაგალითად, პიქტოგრამების საშუალებით), რათა მიაწოდოს მაყურებლებს თავიანთი სექტორისკენ. აგრეთვე, ყველა ტურნიკეტი, შესასვლელი და გასასვლელი კარები და ჭიშკრები უნდა ფუნქციონირებდეს და ასევე ნათლად იყოს აღნიშნული სიმბოლოებით, რომელიც არის ყველასთვის გასაგები.
- 2. სტადიონზე შესასვლელად უნდა იყოს 3-4 ფართე ჭიშკარი, რომელთა ფუნქციონალური დანიშნულება უნდა განისაზღვროს უსაფრტხოების სტარტეგიის შესაბამისად.
- 3. მატჩზე ბილეთების გაყიდვის მიზნით, სტადიონის ტერიტორიაზე უნდა იყოს, მინიმუმ, 1 სალარო.

პარაგრაფი 18 / B — სანიტარული წერტილები მაყურებელთათვის

1. სტადიონის ტერიტორიაზე უნდა იყოს ჰიგიენურად სუფთა ტუალეტები ორივე სექსის მაყურებელთათვის შეფარდებით 4/1, რომელიც ხელმისაწვდომი იქნება სტადიონის ყველა სექტორის მაყურებლისთვის ადგილებთან შემდეგი თანაფარდობით:
 - ტუალეტები: 1:250
 - პისუარები: 1:125

პარაგრაფი 19 / C — პირველადი დახმარების საშუალებები მაყურებლებისთვის

1. სტადიონის ყოველი სექტორის მაყურებლისთვის მისაწვდომ ადგილას უნდა არსებობდეს კომპეტენტური ადგილობრივი ორგანოების მიერ დამტკიცებული სრულად აღჭურვილი და ჰიგიენურად სუფთა პირველადი დახმარების მინ. 1 სათავსო, რომელზეც მიმაგრებული იქნება ექიმი.
2. ეს ადგილები უნდა იყოს მკაფიოდ აღნიშნული და მათთან მისასვლელი — გარკვევით მითითებული.

პარაგრაფი 20 / C — კონტროლის ოთახი

1. სტადიონზე უნდა იყოს მინიმუმ 12 კვ.მ. კონტროლის ოთახი, რომელიც აღჭურვილია მაგიდითა და სკამებით, კომუნიკაციის საშუალებებით.
2. კონტროლის ოთახი უნდა უზრუნველყოფდეს სტადიონის შიდა მთ-

ლიან ხედს.

პარაგრაფი 21 / B — საჯარო მიმართვის სისტემა

1. სტადიონი უნდა იყოს აღჭურვილი საჯარო მიმართვის სისტემით. საჯარო მიმართვის სისტემის ენერგოკვება უნდა იყოს დამოუკიდებელი ძირითადი ენერგოკვების წყაროსგან.

პარაგრაფი 22 / C — განათების სათადარიგო სისტემა

1. უსაფრთხოების უზრუნველყოფისა და მაყურებელთა მიმართვის მიზნით, სტადიონი უნდა იყოს აღჭურვილი კომპეტენტური ადგილობრივი ორგანოების მიერ დამტკიცებული განათების სათადარიგო სისტემით, რომელიც გამოიყენება საერთო განათების ავარიის შემთხვევაში სტადიონზე მყოფი მაყურებლებისთვის განკუთვნილ ყველა ზონაში ელექტროენერგიის მისაწოდებლად.

პარაგრაფი 23 / B — პრეს-ლოჟა

1. სტადიონს უნდა ჰქონდეს პრეს-ლოჟა მედიის წარმომადგენლებისთვის, რომელიც აკმაყოფილებს შემდეგ მოთხოვნებს:
 - 10 ჟურნალისტზე გათვლილი გადახურული მაგიდიანი ადგილი.
 - პრეს-ლოჟა უნდა მდებარეობდეს მთავარი ტრიბუნის მხარეს.

პარაგრაფი 24 / B — მედიის სამუშაო და საკონფერენციო ოთახი

1. მედიის წარმომადგენლებისთვის უნდა იყოს უზრუნველყოფილი მინიმუმ 20 კვ.მ. ერთი 8-ადგილიანი ოთახი მაინც, რომელიც აღჭურვილია სამუშაო მაგიდებით და საკომუნიკაციო საშუალებებით.

პარაგრაფი 25 / B — კამერების ადგილები

1. სტადიონზე უნდა იყოს უზრუნველყოფილი ძირითადი კამერის 1 პლატფორმა ფართობით 6 მ². ის უნდა იყოს განლაგებული ცენტრში და მოედნიდან ისეთ სიმაღლეზე, რომელიც იძლევა სურათის ოპტიმალურ ხარისხის მიღების გარანტიას.
2. მთავარი კამერა უნდა იყოს ზუსტად შუახაზის გასწვრივ ისეთ სიმაღლეზე, რომელიც ქმნის 15-20° კუთხეს ცენტრის ნიშნულამდე. ასევე უნდა იყოს გამოყოფილი დამატებით 3 ადგილი მოედნის დონეზე.
3. ამას გარდა, უნდა იყოს 4 წერტილი დამხმარე კამერებისთვის (მათ შორის, მოედნის დონეზე).
4. ამასთან, წარმოდგენილი უნდა იქნეს სფფ-ის მიერ აღიარებული ორგანოს მიერ გაცემული დასკვნა ტელეკამერების პოზიციების შესახებ.

5. ყველა სტადიონის ორივე მხარეს აუცილებელია მოეწყოს სამ-სამი ადგილი სატელევიზიო კამერებისთვის, სფფ-თან წინასწარ შეთანხმებული შესაბამისი ზომების (სიმაღლე, ფართობი) დაცვით.

პარაგრაფი 26 / B — სატელევიზიო და რადიო საკომენტატოროების ადგილები

1. სტადიონზე უნდა იყოს მინიმუმ 2 გადახურული 2-ადგილიანი სატელევიზიო და რადიო საკომენტატოროები.
2. საკომენტატორო უნდა მდებარეობდეს ცენტრალურ პოზიციაზე.

პარაგრაფი 27 / B — ტელემაუწყებლობის მანქანების ზონა

1. სტადიონს უნდა ჰქონდეს პირდაპირი ჩართვების მანქანის მინიმუმ 100 მ² ზონა, რომელიც უნდა მდებარეობდეს მთავარი კამერის პლატფორმის და საკომენტატოროების მხარეს.

დამტკიცებულია სფფ-ის აღმასკომის მიერ 2022 წელს